

## ISIRELIBAN BANDUN GARI GBIIKII

À n gina Isireliban bandun garin tire gbiikiru gara kaa nɛɛ, Samuelin tirera yẽro u sua u ka tu yorua. Dafidin bandun gariya u m̀ te Gusunɔn tii u swĩ. Yẽro u kĩ u sun s̄ɔsi ma Gusunɔ turowa u s̄a Isireliban sina boko. Ma ben sinam be u ra swĩ mi, ba s̄a win s̄am kowobu.

Ta maa sun s̄ɔmɔ ma Dafidiwa u s̄a yerun banan himba ka ten s̄ama kpuron s̄aru kua. Ma u Lefiba bɔnu kua wuu wuuka s̄arun s̄. Adama Salomɔwa u tu bana.

*Tire ten kpunaa*

1. Bwese t̄ki ka yin t̄mbun yĩsa, wiru 1n di sere wiru 9.
2. S̄ɔlun ḡɔ, wiru 10.
3. Dafidin bandun gari, wiru 11n di sere wiru 29.

## ISIRELIBAN BWESE T̄KI

*Adamun bweserun t̄kan di*

*n ka girari Esaun bibun*

*bweserɔ*

<sup>1</sup> Adamuwa u s̄a Setin tundo. Ma Seti u maa Enɔsi mara.

<sup>2</sup> Ma Enɔsi u Kenani mara. Ma Kenani u Mahalalɛli mara. Ma Mahalalɛli u maa Yerɛdi mara.

<sup>3</sup> Yerɛdiwa u Enɔku Mara. Ma Enɔku u Metusela mara. Ma Metusela u Lemeki mara.

<sup>4</sup> Ma Lemeki u maa Nɔwe mara. Nɔwe wiya u s̄a Semu ka Kamu ka Yafetin tundo.

<sup>5</sup> Be ba sãa Yafetin bibu, bera Gomεε, ka Magøgu, ka Madai, ka Yafani, ka Tubali, ka Mεseki, ka sere maa Tirasi.

<sup>6</sup> Be ba sãa Gomεεn bibu, bera Asikenasi, ka Rifati, ka Togaama.

<sup>7</sup> Be ba sãa Yafanin bibu, bera Elisa, ka Taasisa, ka Kitimu, ka sere Dodanimu.

<sup>8</sup> Kamun biba, Kusi, ka Misiraimu, ka Puti, ka sere Kanani.

<sup>9</sup> Kusin biba maa, Saba, ka Hafila, ka Sabuta, ka Raema, ka sere Sabuteka. Be ba sãa Raeman bibu, bera Seba ka Dedani.

<sup>10</sup> Kusi u maa bii mara wi ba sokumø Nimurodu. Wiya u gbia u kua wørugø damgii handunia søø.

<sup>11</sup> Misiraimuwa u Ludiba mara ka Ananiba, ka Lehabuba, ka Nafituba,

<sup>12</sup> ka Paturusigibu, ka Kasulugibu, mìn di Fil-  
isitiban bwesera yarima, ka sere Kafitorigibu.

<sup>13</sup> Kananiwa u Sidoni ka Heti mara. Sidoni wiya u sãa win bii gbiikoo.

<sup>14</sup> Kanani win bibu gaba ba kua Yebusiba, ka Amøreba, ka Girigasiba,

<sup>15</sup> ka Hefiba, ka Aakiba, ka Siniba,

<sup>16</sup> ka maa Aafadiba, ka Semarigibu, ka Hamatiba.

<sup>17</sup> Be ba sãa Semun bibun bweseru, bera Elamu, ka Asuri, ka Aapasadi, ka Ludi, ka Aramu, ka Usi, ka Uli, ka Getεε, ka sere Mεseki.

<sup>18</sup> Aapasadiwa u Sela mara. Ma Sela u maa Heberu mara.

<sup>19</sup> Bii tøn durøbu yiruwa Heberu u mara. Gbi-  
ikoon yĩsira Pelegi. Yĩsi ten tubusiana, ba bønũ kua,  
yèn sō win waati søøra duniagiba tem bønũ kua.  
Win wønøn yĩsira maa Yokutani.

20 Yokutaniwa u Alimødadi mara, ka Selefufu, ka Hasamafeti, ka Yeraa,

21 ka Hadoramu, ka Usali, ka Dikila,

22 ka Ebali ka Abimaeli, ka Seba, ka Ofiri, ka Hafila, ka Yobabu.

23 Beni kpurowa ba sãa Yokutanin bibu.

24 Semuwa u Aapasadi mara. Ma Aapasadi u maa Sela mara.

25 Selawa u Heberu mara. Ma Heberu u Pelegi mara. Ma Pelegi u maa Rehu mara.

26 Rehuwa u Serugu mara. Ma Serugu u Nakori mara. Ma Nakori u maa Tera mara.

27 Terawa u Aburamu mara wi ba maa sokumə Aburhamu.

28 Aburhamun biba, Isaki ka Isimeeli.

29 Ben bibun bweseru wee.

Isimeelin bii gbiikoowa Nebayətu. Win wənəba Keda, ka Adibeli, ka Mibusamu,

30 ka Mikima, ka Duma, ka Masa, ka Hadadi, ka Tema,

31 ka Yeturi, ka Nafisi, ka sere Kedima. Beniwa ba sãa Isimeelin bibu.

32 Aburhamun kurə wi ba m̀ Ketura, win biba Simurani, ka Yokusani, ka Medani, ka Madiani, ka Yisibaku, ka sere Sua. Yokusanin biba maa Seba ka Dedani.

33 Madianin biba Efa, ka Efeε, ka Enəku, ka Abida, ka Elida. Beni kpurowa ba sãa Keturan bibu ka win nikurəminu.

34 Aburhamuwa u Isaki mara. Isakin biba Esau ka Isireli.

35 Be ba sãa Esaun bibu, bera Elifasi, ka Reweli, ka Yeusi, ka Yalamu, ka sere Kore.

36 Be ba sãa Elifasin bibu, bera Temani, ka Oma, ka Sefi, ka Gatamu, ka Kenasi, ka Tinna, ka sere Amaleki.

37 Be ba sãa Rewelin bibu, bera Nahati, ka Seraki, ka Sama, ka sere Misa.

38 Seirin biba Lotani, ka Sobali, ka Sibeoni, ka Ana, ka Disoni, ka Esee, ka sere Disani.

39 Be ba sãa Lotanin bibu, bera Hori, ka Homamu. Lotanin sesuwa Tinna.

40 Be ba sãa Sobalin bibu, bera Aliani, ka Manahati, ka Ebali, ka Sefi, ka sere Onamu. Sibeonin biba maa Aya ka Ana.

41 Anan biiwa Disoni. Disonin biba maa Hamurani, ka Esibani, ka Yitirani, ka sere Kerani.

42 Be ba sãa Eseen bibu, bera Bilani, ka Safani, ka Yakani. Be ba maa sãa Disanin bibu, bera Usi ka Arani.

### *Edmun sinambu*

*(I maa mærio Torubu 36:31-43)*

43 Sinam be ba bandu di Edomu, Isireliba bu sere maa bandu swii ben tem, bera Bela, Beorin bii. Win wuun yisira Dinaba.

44 Ye Bela u gu, ma Yobabu, Serakin bii, Botisiragii u gona kəsire kua.

45 Ye Yobabu u gu, ma Husamu, Temanigii u gona kəsire kua.

46 Ye Husamu u gu, ma Hadadi, Bedadin bii u gona kəsire kua. Wiya u Madianiba go Məabun baru kpaan. Win wuuwa Afiti.

47 Ye Hadadi u gu, ma Samula, Masirekagii u gona kəsire kua.

48 Ye Samula u gu, ma Səalu, Rehobətgii u gona kəsire kua. Rehobətu ye, ya wāawa daa bakarun bera gia.

49 Ye Səalu u gu, ma Baali Hanani, Akaborin bii, u gona kəsire kua.

<sup>50</sup> Ye Baali Hanani u gu, ma Hadari, Paigii, u gona kəsire kua. Win kurən yīsira Mehetabeli, Matiredin bii, Mesaabun debubu.

<sup>51</sup> Hadarin gəən biru, Edəmuba ba bandu bənu kuawa bwese kera ka bwese kera. Be ba kua wirugibu bwese keri yi səə, bera Tinna, ka Alifa, ka Yeteti,

<sup>52</sup> ka Oholibama, ka Ela, ka Pinəni,

<sup>53</sup> ka Kenasi, ka Temani, ka Mibisaa,

<sup>54</sup> ka Madieli, ka Iramu. Be ba kua ben bwese kerin wirugibu Edəmuə, bera mi.

## 2

### *Yudan bibun bweseru*

<sup>1</sup> Yakəbu wi ba maa sokumə Isireli, win bibun yīsa wee. Rubeni, ka Siməə, ka Lefi, ka Yuda, ka Isakari, ka Sabuloni,

<sup>2</sup> ka Danu, ka Yosəfu, ka Benyaməe, ka Nəfitali, ka Gadi, ka Aseə.

<sup>3</sup> Be ba maa sāa Yudan bibu, bera Eri ka Onani, ka Sela. Ben mərowa Sua, Kananigii. Eri, Yudan bii gbiikoo wi, u kəsə kua Yinni Gusunən nəni səə, ma Yinni Gusunə u dera u gu.

<sup>4</sup> Tamaa Yudan biigii kurəwa u nən Perəsi ka Seraki marua. Ma Yudan bibu kpuro ba kua tambu nəəbu.

<sup>5</sup> Be ba sāa Perəsin bibu, bera Həsironi, ka Hamulu.

<sup>6</sup> Serakin biba maa Simiri, ka Etani, ka Hemani, ka Kalikoli, ka sere Dara. Be kpuro ba kuawa mi tambu nəəbu.

<sup>7</sup> Kaamiwa u Akani mara. Akani wiya u Isireliba nəni swāaru kpēe kəsə ye u kuan sē. U yānu sua ni Gusunə u nəe bu kpeerasia mam mam.

8 Etanin biiwa Asaria.

9 Be ba maa sãa Hesironin bibu, bera Yerameeli, ka Ramu, ka Kalebu, wi ba maa sokumɔ Kelubai.

10 Ramuwa u Aminadabu mara. Ma Aminadabu u maa Nasoni mara, wi u kua Yudaban wirugii.

11 Nasoni wiya u Saluma mara. Ma Saluma u maa Boasi mara.

12 Boasiwa u Yobedi mara. Ma Yobedi u maa Isai mara.

13 Eliabuwa u sãa Isain bii gbiikoo. Ma Abinadabu u sãa yiruse. Ma Sama u sãa itase.

14 Ma Netaneeli u sãa nnese. Ma Radai u sãa nɔɔbuse.

15 Ma Osemu u sãa nɔɔba tiase. Ma Dafidi u sãa nɔɔba yiruse.

16 Ben sesuba Seruya ka Abigali. Be ba sãa Seruyan bibu, bera Abisai ka Yoabu ka Asaeli. Ba sãawa mi, be ita.

17 Amasan merowa Abigali. Win tundowa maa Yetee, Isimeeli.

18 Kalebu, Hesironin bii u tɔn durɔbu ita mara ka win kurɔ Asuba. Bera Yesee ka Sobabu ka Aadoni. U maa ka Yeriɔtu mara.

19 Ye Asuba u gu, ma Kalebu u Efarata sua kurɔ. Ma Efarata wi, u nùn Huri marua.

20 Huri wiya u Uri mara. Ma Uri u maa Besaleli mara.

21 Yen biru, ye Hesironi u kua wɔɔ wata, yera u Makiri, Galadin tondon bii sua kurɔ. Ma u nùn Segubu marua.

22 Segubu wiya u Yairi mara. Yairi wi, u wusu wawa yenda ita Galadin temɔ.

23 Adama Gesuriba ka Sirigibu ba Yairin wuu si wɔri ba mwa ka Kenatin wusu ka sin baru kpaanu kpuro. Su sãawa wusu wata. Be ba wãa wuu si

sɔɔ kpuro, ba sãawa Makiri Galadin tundon debu-  
minu.

<sup>24</sup> Hɛsironi, Abian durɔn gɔɔn biru, Kalɛbu u maa  
ka Efarata mɛnna ma u nɔn bii tɔn durɔ marua wi  
ba sokumɔ Asuri. Asuri wiya u sãa Tekoagibun  
sikado.

<sup>25</sup> Yeramɛɛli, Hɛsironin bii gbiikoon biba, Ramu,  
ka Buna, ka Oreni, ka Osemu, ka Akiya. Ramuwa u  
sãa ben gbiikoo.

<sup>26</sup> Yeramɛɛli wi, u maa kurɔ goo sua wi ba sokumɔ  
Atara, Onamun mero.

<sup>27</sup> Ramu, Yeramɛɛlin bii gbiikoon biba Maasi, ka  
Yamini, ka Ekɛɛ.

<sup>28</sup> Be ba sãa Onamun bibu, bera Samai, ka Yada.  
Be ba maa sãa Samain bibu, bera Nadabu ka  
Abisuri.

<sup>29</sup> Abisurin kurɔn yĩsira Abihaili. Wiya u nɔn  
Akubani ka Mɔlidi marua.

<sup>30</sup> Be ba sãa Nadabun bibu, bera Selɛdi ka  
Apaimu. Selɛdi wi, u n bii mara u ka gu.

<sup>31</sup> Apaimuwa u Yisei mara. Ma Yisei u Sesani  
mara. Ma Sesani u maa Alai mara.

<sup>32</sup> Be ba sãa Yada, Samain wɔnɔn bibu, bera Yetɛɛ  
ka Yonatham. Yetɛɛ wi, u n bii mara u ka gu.

<sup>33</sup> Be ba sãa Yonatham bibu, bera Pelɛti ka Sasa.  
Beni kpurowa ba sãa Yeramɛɛlin bibun bweseru.

<sup>34</sup> Sesani u n bii tɔn durɔbu mara. Bii tɔn kurɔbu  
tɔnawa u mara. Sesani wi, u Egibitigii goo mɔ yoo,  
wi ba ra soku Yara.

<sup>35</sup> Ma Sesani u win bii tɔn kurɔ sua u Yara win yoo  
Egibitigii wi wɛ u sua kurɔ. Ma u nɔn Atai marua.

<sup>36</sup> Ataiwa u Natani mara. Ma Natani u maa Sabadi  
mara.

<sup>37</sup> Sabadiwa u Efilali mara. Ma Efilali u Obɛdi  
mara.

38 Obediwa u Yehu mara. Ma Yehu u maa Asaria mara.

39 Asariawa u Halesi mara. Ma Halesi u maa Elasa mara.

40 Elasa wa u Sisimai mara. Ma Sisimai u maa Salumu mara.

41 Salumuwa u Yekamia mara. Ma Yekamia u Elisama mara.

42 Kalebun, Yerameelin mōon bii gbiikoowa Mesa, wi u sāa Sifun tundo ka Maresa wi u sāa Heboronin tundo.

43 Be ba sāa Heboronin bibu, bera Kore, ka Tapua ka Reke mu, ka Sema.

44 Semawa u Rakamu, Yōkamun tundo mara. Reke muwa u maa Sammai mara.

45 Sammaiwa u Maoni mara. Ma Maoni u Beti Suri mara.

46 Efa, Kalebun kurō goo, wiya u Harani, ka Mōsa, ka Gasesi mara. Harani wi, u maa bii mara ma u nūn yīsiru kā Gasesi.

47 Be ba sāa Yadain bibu, bera Regemu ka Yotamu, ka Gesani, ka Peleti, ka Efa, ka Saafu.

48 Maaka, Kalebun kurō goowa u Sebeε ka Tirana mara.

49 Yen biru u maa Saafu, Madimanan tundo mara, ka Sefa, Makibena ka Gibeana tundo. Kalebun u bii tōn kurō mara. Wiya ba mō Akusa.

50 Win kurō Efaratan bii gbiikoowa Huri. Bibu itawa Huri u mara. Bera Sobali wi u sāa Kiriati Yarimun kaba wuko,

51 ka Saluma, Betelehemun kaba wuko, ka Harefu, Beti Gedēen kaba wuko.

52 Be ba sāa Sobali, Kiriati Yarimun kaba wukon bweseru, bera Haroegibu, ka Menuhōtugibun sukum,



<sup>53</sup> ka bwese keri yi yi wāa Kiriati Yarimuō. Yiya Yetεba, ka Putiba, ka Sumatiba, ka Misiraiba. Bwese keri yin min diya Soreagibu ka Esitaoligibu ba yara.

<sup>54</sup> Saluman min diya Betelehemugibu ba yara ka Netofagibu, ka Atarōtu Beti Yoabugibu, ka Manahatigibun sukum, ka Soreagibu,

<sup>55</sup> ka be ba ra tirenu yore ba ka wāa Yabεsiō. Bera Tireatigibu ka Simeatigibu ka Sukatigibu. Ba sāawa Keniba be ba yara Hamatin bweserun di wi u sāa Rekabun bweserun sikado.

### 3

#### *Dafidin bibun bweserun tōka*

<sup>1</sup> Bii be Dafidi u mara Heboroniō ben yīsa wee. Amō, Akinōamu Yisireligiini biiwa u sāa gbiikoo. Ma Danieli, Abigali, Kaameligiini bii u sāa yiruse.

<sup>2</sup> Ma Abusalōmu, Maakan bii u sāa itase. Maaka wi, u sāawa Talimai, Gesurin sina bokon bii. Ma Adoniya, Hagitin bii u sāa nnese.

<sup>3</sup> Ma Sefatia, Abitalin bii u sāa nōobuse. Ma Yitireamu, Egilan bii u sāa nōoba tiase. Egila wi, u maa sāawa Dafidin kurōbun turo.

<sup>4</sup> Be nōoba tia yera ba nūn marua Heboroniō. Dafidi u bandu diwa Heboroni mi wōō nōoba yiru ka suru nōoba tia. Yen biruwa u maa bandu di Yerusalemuō wōō tena ka ita.

<sup>5</sup> Bii be u maa mara Yerusalemuō, bera Simeā, ka Sobabu, ka Natani ka Salomō. Bibu nne ye, ya sāawa Bati Seba, Amielin biin bibu.

<sup>6</sup> Dafidi u maa bibu gabu mara. Bera Yibaa, ka Elisua, ka Elifeleti,

<sup>7</sup> ka Nōga, ka Nefegi, ka Yafia, ka Elisama,

<sup>8</sup> ka Eliada, ka Elifeleti. Ba sāawa mi be nōoba nne.

9 Be ba sãa Dafidin bibu bera mi, win kurəbu gabun bibu baasi. Ben sesuwa Tamaa.

10 Saloməəwa u Roboamu mara. Ma Roboamu u Abiya mara. Ma Abia u Asa mara. Ma Asa u Yosafati mara.

11 Ma Yosafati u Yoram u mara. Ma Yoram u Akasia mara. Ma Akasia u Yoasi mara.

12 Ma Yoasi u Amasia mara. Ma Amasia u Asaria mara. Ma Asaria u Yotamu mara.

13 Ma Yotamu u Akasi mara. Ma Akasi u Esekiasi mara. Ma Esekiasi u Manase mara.

14 Ma Manase u Aməə mara. Ma Aməə u Yosiasi mara.

15 Be ba sãa Yosiasin bibu, be wee. Yohananiwa u sãa gbiikoo. Ma Yoyakimu u sãa yiruse. Ma Sedesiasi u sãa itase. Ma Salumu u sãa nnese.

16 Be ba sãa Yoyakimun bibu, bera Yekonia ka Sedesiasi.

17 Be ba maa sãa Yekonian bibu, bera Asiri wi u Sealitiele mara,

18 ka Maakiramu, ka Pedaya, ka Senasaa, ka Yekamia, ka Hosama, ka Nedabia.

19 Be ba sãa Pedayan bibu, bera Sorobabeli ka Simeï. Be ba maa sãa Sorobabelin bibu, bera Mesulamu ka Hanania. Selomitiwa u sãa ben sesu.

20 Pedaya wi, u maa bibu nəəbu gabu mara. Bera Hasuba, ka Oheli, ka Berekia, ka Hasadia, ka Yusabu Hesedi.

21 Be ba sãa Hananian bibun bweseru, bera Pelatia, ka Esai, ka Refayan bibu, ka Ananin bibu, ka Abudiasin bibu, ka Sekanian bibu.

22 Bibu nəəba tia Sekania u mara. Bera Semaya, ka Hatusi, ka Yigeali, ka Bariaki, ka Nearia, ka Safati.

23 Bibu itawa Nearia u mara. Bera Elionai, ka Esekiasi, ka Asirikamu.

24 Be ba maa sãa Elionain bibu, bera Hodafia, ka Eliasibu, ka Pelaya, ka Akubu, ka Yokanani, ka Delaya, ka Anani. Ba maa sãawa mi be nãaba yiru.

## 4

### *Yudan bibun bweseru*

1 Be ba sãa Yudan bibu, bera Peresi, ka Hesironi, ka Kaami, ka Huri, ka Sobali.

2 Reaya, Sobalin biiwa u Yasati mara. Ma Yasati u Akumai ka Lahadi mara. Bera ba sãa Sorean bweserun tãka.

3-4 Huri, Efaratan bii gbiikoo, Betelehemun kaba wuko, u bibu mara. Bera Etamu, ka Yisireeli, ka Yisima, ka Yidibasi, ka ben sesu Heseleponi, ka Penueli, Gedorin kaba wuko, ka Esee, Husan kaba wuko.

5 Kurabu yiruwã Asuri, Tekoan kaba wuko u mã. Bera Helea ka Naara.

6 Be Naara u nùn marua, bera Akusamu, ka Hefee, ka Temeni, ka Akasitari.

7 Be ba sãa Helean bibu, bera Sereti, ka Sokaa, ka Etinani.

8 Kãsiwa u Anubu ka Sobeba mara. Hosi win min diya Akaakeli, Harumun biin bwese tãka ya yara.

9 Yabesi u beere mã n kere win wãnbu. Win mero u nùn yãsi te kãwa yèn sã u wahala kua win marubu sãã.

10 Yabesi wi, u kanaru kua u nee, Gusunã, Isireliban Yinni, a de wunen domaru ta n man wãasi. A nen tem kpãaru sosio. A wunen nãmu demio a man kãsu. Kpa a de nãni swãaru ka wahala yu ka man tonda.

Ma Gusunã u nùn kua ye u bikia.

11 Kelubu, Sukan mãwa u Mekiri, Esitonin tundo mara.

12 Esitoniwa u sãa Rafa ka Paseaki ka Tekinan yenugibun sikado. Tekina wiya u wuu ge ba m̀ Nakasi swĩi. Ben bibun bwesera ta sina Rekaõ.

13 Be ba sãa Kenasin bibu, bera Otinieli ka Seraya. Otinielin biiwa maa Hatati.

14 Menõtaiwa u Ofara mara. Ma Seraya u maa Yoabu mara. Yoabu wiya u sãa sãm kowobun sikado be ba wãa wõwaõ ye ba m̀ Nõman sãm kowobun wõwa.

15 Kalebu, Yefunen biiwa u Iru ka Ela ka Naamu mara. Elawa u maa Kenasi mara.

16 Be ba sãa Yehaleelin bibu, bera Sifu, ka Sifa, ka Tiria, ka Asareli.

17-18 Esidarasin biba Yetee, ka Meredi, ka Efee, ka Yaloni. Meredi u Bitiya Egibiti sunõn bii wõndia sua kurõ, ma u nùn Mariamu ka Samai ka Yisiba marua. Yisiba wiya u wuu ge ba m̀ Esitemõa swĩi. Ma Meredi wi, u maa kurõ Yuda goo sua. Wiya u Yeredi mara, ka Hebee, ka Yekutieli. Yerediwa u wuu ge ba m̀ Gedori swĩi, ma Hebee u maa Soko swĩi, ma Yekutieli u maa Sanõa swĩi.

19 Hodiyaawa u Nakamun sesu sua kurõ. Win bibun bwesera Gaamiba be ba wãa Keilaõ ka sere Maakagibu be ba wãa Esitemõaõ.

20 Be ba sãa Simõõn bibu, bera Amõõ, ka Rina, ka Beni Hanani, ka Tiloni. Be ba maa sãa Yisein bibun bweseru, bera Soketi ka win bii.

21 Be ba sãa Sela, Yudan biin bweseru, bera Eri, wi u wuu ge ba m̀ Leka swĩi, ka Lada, wi u maa Maresa swĩi, ka sere maa bwese te ta ra beka wesi ka wẽe dangii Beti Asibeõõ,

22 ka Yokimu ka tõn be ba wãa Kosebaõ ka Yoasi ka Sarafu be ba Mõabuba sua kurõbu, ba sere na ba sina Lesemuõ. Yeni ya koorawa yee yellun di.

23 Ben bibun bwesera ta ra wekenu məm. Ba ra n wāa dāa gbaanə ka kpara yenə ba n sina boko səmburu kuammε.

*Simεən bibun bweseru*

24 Be ba sāa Simεən bibun bweseru, bera Nεmueli, ka Yamini, ka Yaribu, ka Seraki, ka Səəlu.

25 Ye Səəlu u seewa, yera u Salumu mara. Ma Salumu u maa seewa u Mibusamu mara. Ma Mibusamu u maa Misama mara.

26 Ye Misama u seewa, yera u Hamueli mara. Ma Hamueli u maa seewa u Sakuri mara. Ma Sakuri u maa Simeɪ mara.

27 Bii tən durəbu wəkura nəəbu ka tia Simeɪ u mara ka sere bii tən kurəbu nəəba tia. Ben bweseru ta n mara n dabi. Yen sōna ta n kuure too nge Yudan bweseru.

28-31 Wuu si səə ba wāa sere n ka girari Dafidin bandun waati səə, si ka sin baru kpaanu, siya Beri Seba, ka Mələda, ka Hasaa Suali, ka Bila, ka Ɛtisemu, ka Toladi, ka Bεtueli, ka Həəma, ka Sikilagi, ka Bεti Maakabəti, ka Hasaa Susimu, ka Bεti Bire, ka Saaraimu,

32 ka maa wusu nəəbu yeni, Etamu, ka Aini, ka Riməə, ka Tokeni, ka Asani,

33 ka sere maa wuu si su ka bu sikerene ka sin baru kpaanu n ka girari sere Balatiə. Ye ba yorua ben wāa yenu ka ben bwese tōkan sō, yera mi.

34 Be ba sāa Simεən bwese keran wirugibu, bera Mεsobabu, ka Yamuleki, ka Yosa, Amasian bii,

35 ka Yoeli ka Yehu, Yosibian bii, Serayan debubu, Asielin sikadobu,

36 ka Elionai, ka Yaakoba, ka Yesosaya, ka Asaya, ka Adieli, ka Yesimieli, ka Bεnaya,

37 ka Sisa, Sifein bii, Alonin debubu, Yedaya ka Simuri ka Semayan sikadobu.

<sup>38</sup> Beniwa ba sãa wirugibu ben bwese kerɪ sɔɔ. Ma ben bwesera marura ba dabia.

<sup>39</sup> Ma ba da Gedorin bera gia n ka da wɔwan sɔɔ yari yeru gia bu ka yakasu kasu ben yaa sabenun sɔ.

<sup>40</sup> Ba yaka geesu wa mi. Ben tem mɛ, mu kpã. Ma mu wãa bɔri yendu sɔɔ. Domi be ba raa wãa mi yellu ba sãawa Kamun bweseru.

<sup>41</sup> Esekiasi, Yudaban sina bokon waati sɔɔra tɔn be, ba na tem mɛ sɔɔ, ma ba Maoniba kpeerasia mam mam. Ma ba ben kunu wɔri ba kɔsuka. Ma ba sina tem mɛ sɔɔ. Domi yakasu wãa mi, ben yãanun sɔ.

<sup>42</sup> Simeɔn bwese keran tɔmbu gabu ba da Seirin guurɔ. Ben geera sãawa tɔmbu nɛɛra wunɔbu (500). Be ba maa sãa ben wirugibu, bera Pelatia, ka Nɛaria, ka Refaya, ka Usieli, Yisein bii.

<sup>43</sup> Ma ba Amaleki be ba tie mi go. Ma ba sina mi, sere ka gisɔn gisɔ.

## 5

### *Rubenin bwese keran tɔmbu*

<sup>1</sup> Rubeni u sãawa Isirelin bii gbiikoo. N deema Rubeni wi, u ka win tundɔn kurɔ kpuna. Ma ba win yerumaru mwa ba win wɔnɔ Yosefun bibu wɛ. Yen sɔna ba ñ win bwese keran tɔmbun yĩsa tireru doke yerumarun swaa sɔɔ.

<sup>2</sup> Isirelin bii be sɔɔ, Yudawa u dam bo. Win bwese keran diya kparo u yara. Adama Yosefun biba ba yerumaru wɛ.

<sup>3</sup> Be ba sãa Rubeni, Isirelin bii gbiikoon bibu, bera Enɔku, ka Paalu, ka Hɛsironi, ka Kaami.

<sup>4</sup> Yoeliwa u Semaya mara. Ma Semaya u seewa u Gɔgu mara. Ma Gɔgu u maa seewa u Simeɪ mara.

<sup>5</sup> Ye Simεi u seewa, ma u Misee mara, ma Misee u seewa u Reaya mara.

<sup>6</sup> Ma Reaya u seewa u Baali mara. Ma Baali u seewa u Beera mara. Wiya u sāa Rubeniban wirugii. Wiya Tigilati Pileεε, Asirin sina boko u yoru mwa.

<sup>7</sup> Beeran tɔmbun yīsa wee nge mε ba ka bu tireru doke yεnu ka yεnu, bwese kεra ka bwese kεra, ka nge mε ba ka keranε. Yeyeliwa u sāa ben gbiikoo. Ma Sakari u swī,

<sup>8</sup> ka Bela, Asasin bii, Seman debubu, Yoelin sikadobu.

Belan tema Aroεεn di, n ka da guu te ba mɔ Nεboɔ, sere ka Baali Mεɔniɔ.

<sup>9</sup> Sɔɔ yari yeru gia, win tem mu wāawa saa Efaratin daarun di sere n ka da gbaburun duu yerɔ. Domi ben yaa sabenu nu dabia Galadin tem mε sɔɔ.

<sup>10</sup> Sɔɔlu, sina bokon waati sɔɔ, ba ka Hagareniba tabu kua ba kamia. Ma ba sina ben wāa yenɔ Galadin sɔɔ yari yerun bera gia kpuro.

### *Gadin bwese keran tɔmbu*

<sup>11</sup> Gadin bwese keran tɔmbu ba sina Rubeniban deedeeru sɔɔ yēsan nɔm geu gia, Basanin temɔ sere n ka girari Salikɔ sɔɔ yari yeru gia.

<sup>12</sup> Yoelin bwese kεra ya kpāaru bo. Ma Safamugia ya sāa yiruse. Ma Yanaigia ka Safatigia ya wāa Basaniɔ.

<sup>13</sup> Bwese kerɔ nɔɔba yiru gεε maa wāa. Yiya Mikaelin bwese kεra, ka Mεsulamugia, ka Sebagia, ka Yoraigia, ka Yakanigia, ka Siagia, ka sere Ebεεgia.

<sup>14</sup> Be ba sāa Abihailin bibun bweseru, bera Huri, ka Yaroasi, ka Galadi, ka Mikaeli, ka Yesisai, ka Yado, ka sere Busi.

15 Aki, Abudielin bii, Gunin debubuwa u sãa ben wirugii.

16 Gadin bwese kerin tɔn be, ba wãawa Galadiɔ ka Basaniɔ ka yen baru kpaanɔ ka yen kpara yenɔ saa Saronin di n ka da yen nɔɔ bura yenɔ.

17 Ba ben bwese kerɪ yi kpuro tireru dokewa nge mɛ yi ka swĩine, Yotamu Yudaban sina boko ka Yeroboamu Isireliban sina bokon waati sɔɔ.

18 Rubenin bwese kera ka Gadigia ka sere Manasen bwese keran bɔnu ba tabu durɔ damgibu mɔ be ba koo kpĩ bu tɛɛru ka takobi nenɛ kpa bu tɛndu to. Ba maa tabu tobu yẽ gem gem. Ben geera sãawa tɔmbu nɔrɔbun suba weeru ka nne ka tɔmbu nata ka wunɔbu ka wata (44.760). Ba maa sɔɔru sãa bu ka tabu to.

19 Ma ba Hagareniba ka Yeturigibu, ka Nafisigibu, ka Nɔdabugibu tabu wari.

20 Sanam mɛ ba taa bi mɔ, ba Yinni Gusunɔ somiru kana domi ba ben naanɛ doke wi sɔɔ. Ma ba Hagarenigii be, ka be ba bu somiru na kamia.

21 Ma ba ben yaa sabenu mwɛɛra. Niya yooyoosu nɔrɔbun suba weeraakuru (50.000) ka yãa ninu nɔrɔbun suba goobu ka weeraakuru (250.000) ka ketɛkunu nɔrɔbun suba yiru (2.000) ka sere tɔmbu nɔrɔbun suba wunɔbu (100.000).

22 Tɔn be ba go taa bi sɔɔ, ba dabi. Domi Yinni Gusunɔwa u dera n koorɔ mɛ. Ma ba sina tem mi sere n ka tura saa ye ba bu yoru mwa ba ka doona.

### *Manasen bwese kera*

23 Manasen bwese keran sukum mu na mu sinawa tem mɛ mu wãa Basaniɔ, n ka da Baali Hɛɛmɔɔwɔ ka Seniriɔ, sere ka guu te ba mɔ Hɛɛmɔɔ. Tɔn be, ba dabi.



24 Ben wirugibun yīsa wee. Efεε, ka Yisei, ka Elieli, ka Asirieli, ka Yeremi, ka Hodafia, ka Yadieli. Ba sāawa tən durō wərugōba, ma ba yīsiru yara.

25 Adama ba Gusunō ben baababan Yinni torari. Ba bwese tukunun būnu sāwa ni u raa kam koosia.

26 Yen sōna wi, Gusunō Isireliban Yinni u dera Asirin sinam beni, Pulu ka Tigilati Pileseε ba Rubeniba, ka Gadiba, ka Manasen bwese keran sukum yoru mwεera ba ka da Salasiō, ka Saboriō, ka Harao, ka sere Gosanin daarun bōkuō. Miya ba wāa sere ka gisō.

*Lefi be ba sāa yāku kowo*

*tənwerobu*

27 Be ba sāa Lefin bibu, bera Gεεsōni, ka Kehati, ka Mεrari.

28 Ye Kehati u seewa, ma u Amuramu ka Yisehari ka Heboroni ka Usieli mara.

29 Ye Amuramu u seewa, ma u Aroni ka Məwisi ka Mariamu mara. Ma Aroni u maa seewa u Nadabu ka Abihu ka Eleasaa ka Itamaa mara.

30 Ye Eleasaa u seewa, ma u Finεesi mara. Ma Finεesi u seewa u Abisua mara.

31 Ye Abisua u seewa ma u Buki mara. Ma Buki u seewa u Usi mara.

32 Ye Usi u seewa, ma u Seraya mara. Ma Seraya u seewa u Mεrayōtu mara.

33 Ye Mεrayōtu u seewa, ma u Amaria mara. Ma Amaria u seewa u Akitubu mara.

34 Ye Akitubu u seewa, ma u Sadōku mara. Ma Sadōku u seewa u Akimasi mara.

35 Ye Akimasi u seewa, ma u Asaria mara. Ma Asaria u seewa u Yokanani mara.

36 Ye Yokanani u seewa, ma u Asaria mara. Asaria wiya u ra yākunu ko Yinni Gusunōn sāa yerō te Salomō u bana Yerusalemō.

<sup>37</sup> Ye Asaria wi, u seewa, ma u Amaria mara. Ma Amaria u seewa u Akitubu mara.

<sup>38</sup> Ye Akitubu u seewa ma u Sadoku mara. Ma Sadoku u seewa u Salumu mara.

<sup>39</sup> Ye Salumu u seewa, ma u Hilikiya mara. Ma Hilikiya u seewa u Asaria mara.

<sup>40</sup> Ye Asaria u seewa ma u Seraya mara. Ma Seraya u seewa u Yosadaki mara.

<sup>41</sup> Sanam me Yinni Gusuno u dera Nebukanesa u Yudaba ka Yerusalemugibu yoru mweera u ka doona, ka Yosadaki wi sanna mi.

## 6

### *Lefin bwese keran*

#### *tambu gabu*

<sup>1</sup> Lefiwa u Geesoni ka Kehati ka Merari mara.

<sup>2</sup> Ye Geesoni u seewa, ma u Libini ka Simeï mara.

<sup>3</sup> Be ba saa Kehatin bibu, bera Amuramu, ka Yisehari, ka Heboroni, ka Usieli.

<sup>4</sup> Be ba maa saa Merarin bibu, bera Makili ka Musi. Beni kpurowa ba kua wirugibu Lefin bwese kerï so.

<sup>5</sup> Ma Geesoni u seewa u Libini mara. Ma Libini u seewa u Yasati mara. Ma Yasati u seewa u Simma mara.

<sup>6</sup> Ma Simma u seewa u Yoasi mara. Ma Yoasi u seewa u Ido mara. Ma Ido u seewa u Seraki mara. Ma Seraki u seewa u Yatarai mara.

<sup>7</sup> Kehatiba so, Kehati u seewa u Aminadabu mara. Ma Aminadabu u seewa u Kore mara. Ma Kore u seewa u Asiri mara.

<sup>8</sup> Ma Asiri u seewa u Elikana mara. Ma Elikana u seewa u Abiasafu mara. Ma Abiasafu u seewa u Asiri mara.

9 Ma Asiri u seewa u Tahati mara. Ma Tahati u seewa u Urieli mara. Ma Urieli u seewa u Osiasi mara. Ma Osiasi u seewa u Soolu mara.

10 Be ba sãa Elikanan bibu gabu, bera Amasai ka Akimoti.

11 Ahimotin bweseru sãa, Akimoti u seewa u Elikana mara. Ma Elikana u seewa u Sofai mara. Ma Sofai u seewa u Nahati mara.

12 Ma Nahati u seewa u Eliabu mara. Ma Eliabu u seewa u Yeroamu mara. Ma Yeroamu u seewa u Elikana goo mara.

13 Samuelin biba maa sãa Yoeli ka Abiya.

14 Merarin bwese kera sãa, Merari u seewa u Makili mara. Ma Makili u seewa u Libini mara. Ma Libini u seewa u Simeï mara. Ma Simeï u seewa u Usa mara.

15 Ma Usa u seewa u Simeia mara. Ma Simeia u seewa u Hagiya mara. Ma Hagiya u seewa u Asaya mara.

16 Sanam me ba Yinni Gusunon woodan kpakororu yii yeru waawa, sanam meya Dafidi u Lefi ben gabu kua wom kowobun wirugibu Yinni Gusunon sãa yero.

17 Bera ba ra wom kowobu kpare Yinni Gusunon kuu bekurugirun wuswaa sere Salomoo u ra ka Yinni Gusunon sãa yeru bana Yerusalemoo. Ba ben samburu kuawa dee dee nge me ba bu ten wooda we.

18 Be ba kua wom kowobun wirugibu ka ben bibun bweseru wee.

Kehatin bweseru sãa, Hemaniwa u sãa wom kowobun wirugii. Win sikadobara Yoeli ka Samueli,

19 ka Elikana, ka Yeroamu, ka Elieli, ka Toa,

20 ka Sufu, ka Elikana, ka Mahati, ka Amasai,

21 ka maa Elikana goo, ka Yoeli goo ka Asaria, ka Sofoni,

22 ka Tahati, ka Asiri, ka Abiasafu, ka Kore,

23 ka Yisehari, ka Kehati, ka Lefi, ka Isireli.

24 Asafu u maa sãawa wom kowobun wirugii turo. Wiya u ra n wãa Hemanin nãm geuɔ u n nùn somimɔ. Win sikadobara Berekia, ka Simɛa,

25 ka Mikaeli, ka Baaseya, ka Maakiya,

26 ka Etini, ka Seraki, ka Adaya,

27 ka Etani, ka Simma, ka Simeɪ,

28 ka Yasati, ka Gɛɛsɔni, ka Lefi.

29 Mɛrarin bweseru sɔɔ, be ba ra womusu ko, ba ra n wãawa Hemanin nãm dɔwaru gia. Ben wirugiiwa Etani. Etani win sikadobara Kisi, ka Abudi, ka Maluku,

30 ka Hasabia, ka Amasia, ka Hilikiya,

31 ka Amusi, ka Sani, ka Semɛɛ,

32 ka Makili, ka Musi, ka Mɛrari, ka Lefi.

33 Ben mɛro bisi be ba tie, bera ba ra sɔma ko ye ya wãa Yinni Gusunɔn sãa yerɔ kpuro.

34 Aroni ka win bibun bwesera ba ra yãku dɔɔ mwaararuginu ko yãku yeru wɔllɔ kpa bu maa turare dɔɔ doke mi. Bera ba ra sɔma kpuro ko dii te ta dɛere gem gem sɔɔ kpa bu torarun yãkunu ko Isireliban sɔ nge mɛ Mɔwisi, Gusunɔn sɔm kowo u bu yiire.

35 Aronin bweserun tɔka wee. Aroni u seewa u Eleasaa mara. Ma Eleasaa u seewa u Finɛesi mara. Ma Finɛesi u seewa u Abisua mara.

36 Ma Abisua u seewa u Buki mara. Ma Buki u seewa u Usi mara. Ma Usi u seewa u Seraya mara.

37 Ma Seraya u seewa u Mɛrayɔtu mara. Ma Mɛrayɔtu u seewa u Amaria mara. Ma Amaria u seewa u Akitubu mara.

38 Ma Akitubu u seewa u Sadoku mara. Ma Sadoku u seewa u Akimasi mara.

*Wuu si ba Lefin bibun*

*bweseru wē*

39 Ye ba tete toba, be ba gbia ba tem wē bera Kehatin bwese keragibu, Aronin bweseru sɔɔ. Ben wāa yenu ka ben kpara yenu ka ben tem nɔɔ bura yenu wee.

40 Niya Heboroni ye ya wāa Yudan temɔ ka yen kpara yenu ni nu ka ye sikerene.

41 Adama yen baru kpaanu, Kalebu, Yefunen biiwa ba mi wē.

42 Wuu si ba Aronin bibun bweseru wē, siya Heboroni mi ba ko n da kpikuru de, ka Libina ka yen kpara yenu, ka Yatiri, ka Esitemɔa ka yen kpara yenu,

43 ka Hileni ka yen kpara yenu, ka Debiri ka yen kpara yenu,

44 ka Asani ka yen kpara yenu, ka Beti Semesi ka yen kpara yenu,

45 ka Benyamɛn tem wuu sini, Gibeaa ka yen kpara yenu, ka Alemeti ka yen kpara yenu, ka Anatotu ka yen kpara yenu. Wuu si kpuro su kuawa mi wəkura ita nge me bwese keriyi, yi geeru ne.

46 Ye ba maa tete toba, Kehatin bibun bwese te ta tie, ta wusu wəkuru wa Efaraimun bwese keran tem sɔɔ ka Danun bwese keragim sɔɔ, ka Manasen bwese keran sukumgim sɔɔ.

47 Gɛsɔnin bibun bweseru ta wusu wawa wəkura ita nge me ben bwese kerin geera ne. Wuu si, su wāawa Isakarin bwese keran tem sɔɔ ka Aseɛn

bwese keragim sɔɔ, ka Nɛfitalin bwese keragim sɔɔ  
ka Manasen bwese keragim sɔɔ Basaniɔ.

48 Ye ba maa wure ba tɛtɛ toba, wusu wɔkura  
yiruwa Mɛrarin bibun bwesera wa Rubɛnin bwese  
keran tem sɔɔ, ka Gadigian tem sɔɔ, ka Sabulonigian  
tem sɔɔ nge mɛ ben bwese kerin geera nɛ.

49 Isireliba ba maa Lefiba wusu gasu wɛ ka sin  
kpara yenu.

50 Ba wuu si gɔsawa ka tɛtɛ Yudan bwese keran  
temɔ, ka Simɛɔn bwese keragim sɔɔ, ka Benyamɛɛn  
bwese keragim sɔɔ.

51 Kehatin bibun bwese te ta maa tie, ta wusu  
wawa Efaraimun bwese keran tem sɔɔ.

52 Wuu si ba bu wɛ, siya Sikɛmu ye ya wɔa  
Efaraimun guurɔ, ka yen kpara yenu. Miya ba ko  
n da kpikuru de. Ka Gesɛɛ ka yen kpara yenu,

53 ka Yokumɛamu ka yen kpara yenu, ka Bɛti  
Haroni ka yen kpara yenu,

54 ka Ayaloni ka yen kpara yenu, ka sere maa Gati  
Rimɔɔ ka yen kpara yenu.

55 Wuu si Manasen bwese keran sukum mu maa  
wa, siya Anɛɛ ka yen kpara yenu, ka Bileamu ka yen  
kpara yenu. Siya ba Kehatin bwese keragii be ba tie  
wɛ.

56 Ba maa Gɛɛsonin bwese keran tɔmbu wusu wɛ.  
Wuu si ba wa Manasen bwese keran sukum min di,  
siya Golani ye ya wɔa Basaniɔ ka yen kpara yenu, ka  
Asitarɔtu ka yen kpara yenu.

57 Wuu si ba wa Isakarin bwese keran min di,  
siya Kedɛsi ka yen kpara yenu, ka Dabarati ka yen  
kpara yenu,

58 ka Ramɔti ka yen kpara yenu, ka sere Anɛmu  
ka yen kpara yenu.

<sup>59</sup> Wuu si ba wa Aseɛn bwese keran min di, siya Masikali ka yen kpara yenu, ka Abudoni ka yen kpara yenu,

<sup>60</sup> ka Hukaku ka yen kpara yenu, ka sere Rehobu ka yen kpara yenu.

<sup>61</sup> Wuu si ba wa Nefitalin bwese keran min di, siya Kedesi ye ya waa Galilen temo ka yen kpara yenu, ka Hamoo ka yen kpara yenu, ka sere Kiriataimu ka yen kpara yenu.

<sup>62</sup> Ba Lefi be ba tie Merarin bweseru soo wusu we. Wuu si ba wa Sabulonin bwese keran min di, siya Rimono ka yen kpara yenu, ka Tabori ka yen kpara yenu.

<sup>63</sup> Wuu si ba wa Rubenin bwese keran min di Yuudenin guru gio, Yerikon deedeeru soo yari yeru gia, siya Beseri ye ya waa tem saarao ka yen kpara yenu, ka Yasa ka yen kpara yenu,

<sup>64</sup> ka Kedemoti ka yen kpara yenu, ka sere Mefati ka yen kpara yenu.

<sup>65</sup> Wuu si ba maa wa Gadin bwese keran min di, siya Ramoti, Galadin temo ka yen kpara yenu, ka Mahanaimu ka yen kpara yenu,

<sup>66</sup> ka Hesiboni ka yen kpara yenu, ka sere Yasee ka yen kpara yenu.

## 7

### *Isakarin bibun bweseru*

<sup>1</sup> Bibu nnewa Isakari u mara. Bera Tola, ka Pua, ka Yasubu, ka Simuroni.

<sup>2</sup> Tolan biba Usi, ka Refaya, ka Yerieli ka Yamai, ka Yibisamu, ka sere Samueli. Bera ba saa wirugibu ben yenuso, Tolan bwese kera soo. Ba saawa worugoba ben waati ye soo. Dafidin waati soo, ben

geera s̄awa n̄r̄abun suba yenda yiru ka t̄ambu nata (22.600).

<sup>3</sup> Usin biiwa Yisiraya. Yisiraya ka win bibu ba s̄awa be wirugibu n̄obu. Win bii bera Mikaeli, ka Abudiasi, ka Yoeli, ka Yisiya.

<sup>4</sup> Be ba w̄a ka be sannu, t̄n kur̄bu ka bibu ba dabi sere ba koo kp̄i bu t̄n dur̄bu n̄r̄abun suba t̄na ka n̄oba tia (36.000) wa be s̄o be ba koo kp̄i bu tabu ko.

<sup>5</sup> Isakar̄in bwese k̄era s̄o, be ba tireru doke, ben geera s̄awa n̄r̄abun suba w̄enε ka n̄oba yiru (87.000). Be kpuro ba s̄awa w̄ruḡba.

### *Benyamεε ka Nεfitalin*

#### *bibun bweseru*

<sup>6</sup> Bibu itawa Benyamεε u mara. Bera Bela, ka Bekεε, ka Yedieli.

<sup>7</sup> Bibu n̄obuwa Bela u mara. Bera Esiboni, ka Usi, ka Usieli, ka Yerim̄oti, ka maa Iri. Ben baawure u s̄awa win bwese k̄eran wirugii. Be kpuro maa w̄ruḡbara. Ba bu tireru doke ma ben geera kua n̄r̄abun suba yenda yiru ka t̄ambu t̄na ka n̄nε (22.034).

<sup>8</sup> Bekεεn biba Semira, ka Yoasi, ka Eliesεε, ka Elionai, ka Omiri, ka Yerem̄oti, ka Abiya, ka Anat̄otu, ka Alam̄eti. Beni kpurowa ba s̄a Bekεεn bibu.

<sup>9</sup> Ma ba bu tireru doke nge mε ba ka sw̄inε bwese k̄era ye s̄o. Be kpuro ba s̄awa ȳenu ȳero w̄ruḡba. Ma ben geera s̄a t̄nu n̄r̄abun suba yendu ka goobu (20.200).

<sup>10</sup> Yedielin biiwa Bilihani. Bilihanin biba maa Yeusi, ka Benyamεε, ka Ehudu, ka Kenaana, ka Setani, ka Taasisi, ka sere Akisasaa.



<sup>11</sup> Be kpuro ba sãawa Yediēlin bibun bweseru. Be kpuro maa wərugəbara. Ma ben baawure u sãa wirugii win bwese kera səə. Ben geera sãawa nərəbun suba wəkura nəəbu ka yiru, ka tambu goobu (17.200) be ba koo kpī bu tabu ko.

<sup>12</sup> Supimu ka Hupimu ba sãawa Irin bibu. Ma Husimu u maa sãa Akεεn bii.

<sup>13</sup> Nεfitalin biba Yasieli, ka Guni, ka Yesεε, ka sere Salumu. Beni kpuro ba sãawa Bilihan nikurəminu.

### *Manasen bibun bweseru*

<sup>14</sup> Bii be Manase u ka win kurə Sirigii mara, bera Asirieli ka Makiri wi u sãa Galadin tundo.

<sup>15</sup> Makiri wiya u Hupimu ka Supimu kurəbu sua. Win sesun yīsira Maaka. Win bii yirusen yīsira Selofadi. Bii tən kurəba Selofadi wi, u mara.

<sup>16</sup> Maaka, Makirin kurə u bii tən durə mara ma ba nùn yīsiru kā Perəsi. U maa wure u bii tən durə mara ma ba nùn yīsiru kā Serəsi. Serəsi wiya u Ulamu ka Rekemu mara.

<sup>17</sup> Ulamun biiwa Bedani.

Beniwa ba sãa Galadi, Makirin bii, Manasen debubun bibun bweseru.

<sup>18</sup> Haməlekεti, Galadin sesuwa u Isodu ka Abiesεε ka Mala mara.

<sup>19</sup> Be ba sãa Semidan bibu, bera Akiyani ka Sikemu ka Likisi ka sere Aniamu.

### *Efaraimun bibun bweseru*

<sup>20</sup> Efaraimun bibun bweseru wee. Efaraimu u Sutelaki mara. Ma Sutelaki u Beredi mara. Ma Beredi u Tahati mara. Ma Tahati u Eleada mara. Ma Eleada u Tahati mara.

<sup>21</sup> Ma Tahati u Sabadi mara. Ma Sabadi u Sutelaki mara. Efaraimu u maa bibu yiru mara, Sutelaki baasi, beya Esεε ka Eleadi. Bera ba Gatigibu wəri bu

ka sibun yaa sabenu mwa. Adama Gatigii be, siba bu go.

<sup>22</sup> Ma Efaraimu u gəə wooru sina n ka tε. Ma win mero bisibu ba na ba nùn nukuru yemiasia.

<sup>23</sup> Yen biruwa u ka win kurə menna, ma u gura sua u bii tən durə mara. Ma ba nùn yĩsiru kã Beria yèn sã u nuku sankiranu wa win yenu.

<sup>24</sup> U maa bii tən kurə mara wi ba m̀ Seraki. Wiya u Beti Horoni bana ye ya wãa wəwaa, ka ye ya wãa gunguru wəllə, ka maa Useni Seera.

<sup>25</sup> Ma Beria wi, u seewa u Refa mara. Ma Refa u seewa u Resəfu mara. Ma Resəfu u seewa u Telaki mara. Ma Telaki u seewa u Takani mara.

<sup>26</sup> Ma Takani u seewa u Ladani mara. Ma Ladani u seewa u Amihudu mara. Ma Amihudu u seewa u Elisama mara.

<sup>27</sup> Ma Elisama u seewa u Nuni mara. Ma Nuni u seewa u Yosue mara.

<sup>28</sup> Tem mε ba wa ba sina mεya Beteli ka yen wuu si su ka ye sikerenε. Siya Naarani ye ya wãa são yari yeru gia ka Gesεε ye ya wãa são duu yeru gia ka yen baru kpaanu, ka Sikεmu ka yen baru kpaanu, n ka girari Gasaa ka yen baru kpaano.

<sup>29</sup> Tem mε Manasen bibun bwesera wa, mεya Beti Seani ka yen baru kpaanu, ka Taanaki ka yen baru kpaanu, ka Mεgido ka yen baru kpaanu, ka sere Dori ka yen baru kpaanu.

Wuu si sora Yosεfu, Isirelin biin bibun bwesera sina.

### *Asεen bibun bweseru*

<sup>30</sup> Be ba sãa Asεen bibu, bera Yimina ka Yisifa ka Yisifi ka Beria ka sere ben sesu Seraki.

<sup>31</sup> Be ba sãa Berian bibu, bera Hebεε ka Maakieli. Maakieli wiya u wuu ge ba m̀ Biisafiti swĩ.

<sup>32</sup> Hebεεwa u Yafiletī mara ka Someε ka Hotamu ka sere ben sesu Sua.

<sup>33</sup> Be ba sāa Yafiletin bibu, bera Pasaki ka Bimali ka sere Asifati. Be ba sāa Yafiletin bibu, bera mi.

<sup>34</sup> Be ba sāa Samεen bibu, bera Aki ka Roga ka Huba ka sere Aramu.

<sup>35</sup> Be ba sāa win wɔnɔ Helεmun bibu, bera Sofaki ka Yimina ka Selesi ka sere Amali.

<sup>36</sup> Be ba sāa Sofakin bibu, bera Sua ka Haanεfεε ka Suali ka Beri ka Yimura,

<sup>37</sup> ka Beseri ka Hɔdu ka Samma ka Silisa ka Yitirani ka sere Beera.

<sup>38</sup> Be ba sāa Yetεen bibu, bera Yεfunε ka Pisipa ka sere Ara.

<sup>39</sup> Be ba sāa Ulan bibu, bera Ara ka Haniεli ka sere Risia.

<sup>40</sup> Be ba sāa Aseεn bibun bweseru, bera mi. Ben baawure u sāawa wirugii win beraɔ. Be kpuro ba sāawa wɔrugɔba. Be ba tireru doke, ben geera sāawa nɔrɔbun suba yenda nɔɔbu ka tia (26.000) be, be ba koo kpī bu tabu ko.

## 8

### *Benyamεen bwese keragii*

#### *be ba wāa Yerusalemu*

<sup>1</sup> Bibu nɔɔbuwa Benyamεε u mara. Wee nge mε ba ka swīine, Bela ka Asibeli

<sup>2</sup> ka Ara ka Nɔka ka sere Rafa.

<sup>3</sup> Be ba sāa Belan bibu, bera Adari ka Gera ka Abihudu

<sup>4</sup> ka Abisua ka Naama ka Akoasi

<sup>5</sup> ka Gera ka Sefufani ka sere Huramu.

<sup>6</sup> Ehudun bii be ba sāa wirugibu Gebagibun sunu sɔɔ, ma ba ka bu da Manahatio,

<sup>7</sup> bera Namani ka Akiya ka sere Gera. Gera wi u ka bu da mi, wiya u Usa ka Ahihudu mara.

<sup>8</sup> Saaraimu u win kurɔbu yiru beni gira. Bera Husimu ka Baara. Yen biruwa u bibu gabu mara Mɔabuban temɔ.

<sup>9</sup> Bii be u ka win kurɔ Hodɛsi mara, bera Yobabu ka Sibiya ka Mɛsa ka Malikamu,

<sup>10</sup> ka Yeusi ka Sokia ka sere Mirima. Be kpuro ba sãawa yɛnu yɛrobu.

<sup>11</sup> Be u ka win kurɔ Husimu mara, bera Abitubu ka Elipali.

<sup>12</sup> Be ba sãa Elipalin bibu, bera Ebɛɛ ka Miseamu ka sere Semɛɛ wi u wuu ge ba mɔ Onɔɔ bana ka sere maa Lodu ka yen baru kpaanu.

<sup>13</sup> Beria ka Sema be ba sãa wirugibu Ayalonigibun suunu sɔɔ, bera ba Gatigibu gira.

<sup>14-16</sup> Be ba sãa Berian bibu, bera Akiyo ka Sasaki ka Yeremɔti ka Sebadia ka Aradi ka Edɛɛ ka Mikaeli ka Yisifa ka sere Yoasi.

<sup>17-18</sup> Be ba sãa Elipalin bibu, bera Sebadia ka Mesulamu ka Hisiki ka Hebɛɛ ka Yisimerai ka Yisilia ka sere Yobabu.

<sup>19-21</sup> Be ba sãa Simɛin bibu, bera Yakimu ka Sikiri ka Sabidi ka Elienai, ka Silitai ka Elieli ka Adaya ka Beraya ka Simurati.

<sup>22-25</sup> Be ba sãa Sasakin bibu, bera Yisipani ka Ebɛɛ ka Elieli ka Abudoni ka Sikiri ka Hananu ka Hanania ka Elamu ka Antotia ka Yifideya ka sere Penueli.

<sup>26-27</sup> Be ba sãa Yerohamun bibu, bera Sanserai ka Seharia ka Atalia ka Yaaresia ka Eliya ka sere Sikiri.

<sup>28</sup> Be ba sãa wirugibu nge mɛ ba ka swĩine, bera mi. Ba wãawa Yerusalemuɔ.

29 Wi u Gabaoni swĩi, u wãa Gabaoni mi. Win kurən yĩsira Maaka.

30 Win bii gbiikoowa Abudoni. Be ba maa tie, bera Suri ka Kisi ka Baali ka Nadabu,

31 ka Gedori ka Akiyo ka Sekεε,

32 ka sere Mikoloti, Simεan tundo. Ben tii ba wãawa Yerusalemuə, ben mero bisibun bəkuə.

*Səəlun bibun bweseru*  
(I maa mεerio 9:39-44)

33 Neriwa u Kisi mara. Ma Kisi u Səəlu mara. Ma Səəlu u Yonatam mara ka Maakisua ka Abinadabu ka sere Esibaali.

34 Yonatamwa u Mεribu Baali mara. Ma Mεribu Baali u maa Misee mara.

35 Be ba sãa Miseen bibu, bera Pitoni ka Mεlεki ka Tarea ka sere Akasi.

36 Akasiwa u Yehoyada mara. Ma Yehoyada u Alemeti mara ka Asimafeti ka sere Simiri. Simiriwa u Məsa mara.

37 Ma Məsa u Binεa mara. Ma Binεa u Rafa mara. Ma Rafa u Eleasaa mara. Ma Eleasaa u Aseli mara.

38 Bibu nəəba tia Aseli u mara. Bera Asirikamu ka Bokuru ka Isimεeli ka Searia ka Abudiasi ka sere Hananu. Beni kpurowa ba sãa Aselin bibu.

39 Aseli wi, u wənə mə wi ba sokumə Eseki. Bibu itawa Eseki wi, u mara. Bera Ulamu ka Yeusi ka Elifeleti.

40 Ulamun bibu ba kuawa wərugəba ka tən towobu. Ben bibu ka ben debuminu dabi. Ba tura nge tambu wunaa weeru ka wəkuru (150).

Be kpuro ba sãawa Bεnyamεen bibun bweseru.

## 9

1 Ba Isireliba kpuron yĩsa yorua ben gari garin tireru səə nge mε ba ka swĩine, bwese kera ka bwese kera.

*Isireli be ba wurama yorun di*

N deema ba Yudaba kpuro yoru mwa ba ka da Babiloniō kōsa ye ba kuan sō.

<sup>2</sup> Be ba gbia ba sina ben tem wusu sō, bera Isireliba ka yāku kowobu ka Lefiba ka sere Netiniba.

<sup>3</sup> Be ba na ba sina Yerusalemu, bera Yudan bweseru ka Benyamēn bweseru ka Efaraimugiru ka Manasegiru.

<sup>4</sup> Ka sere Utai wi u wāa Yudan bwese kera sō. U sāawa Amihudun bii. Amihudu wi, u sāawa Omirin bii, Imirin debubu, Banin sikadobu, Peresin bwese kera sō.

<sup>5</sup> Silonigibun bwese kera sōra Asaya u wāa ka win bibu. Asaya wiya u sāa win bii gbiikoo.

<sup>6</sup> Serakin bwese kera sōra Yeweli ka wigibu ba wāa. Ben geera sāawa nata ka wene ka wəkuru (690).

<sup>7</sup> Be ba wāa Benyamēn bwese kera sō, bera Salu, Mesulamun bii, Hodafian debubu, Asenuan sikadobu,

<sup>8</sup> ka Yibinea, Yoramun bii, ka Ela, Usin bii, Mikirin debubu ka Mesulamu, Sefatian bii, Rewelin debubu, Yibinian sikadobu, ka sere ben tambu gabu.

<sup>9</sup> Tān be kpurowa ba sāa wirugibu ben yenusa nge me ba ka swīne. Ben geera sāawa nene ka wunabu ka weeraakuru ka nōba tia (956).

<sup>10</sup> Be ba sāa yāku kowobu, bera Yedaya ka Yoyaribu ka Yakini,

<sup>11</sup> ka Asaria. Win sikadobara Hilikiya ka Mesulamu ka Sadaku ka Merayotu ka sere Akitubu wi u sāa Yinni Gusunān sāa yerun wirugii.

<sup>12</sup> Adaya u maa sãa yãku kowo. Win sikadobara Yerohamu ka Pasuri ka Maakiya ka Masai ka Adieli ka Yasiswa ka Mesulamu ka Mesilemiti ka Imeri.

<sup>13</sup> Be ka begii be ba sãa wirugibu ben yenuso, ben geera sãawa tumbu nãrãbu ka nata ka wunãbu ka wata (1.760). Be kpuro ba sãawa wãrugãba. Bera ba ra sãmburu ko Yinni Gusunãn sãa yerã.

<sup>14</sup> Semaya u sãawa Lefi. Win sikadoba wee, nge me ba ka swĩine. Bera Hasubu ka Asirikamu ka sere Hasabia, Merarin bwese kera soã.

<sup>15</sup> Be ba maa sãa Lefiba, bera Bakibakaa ka Heresi ka Galali ka Matania. Matania win sikadobara Misee ka Sikiri ka Asafu.

<sup>16</sup> Abudiasin tii u sãa wa Lefi. Win sikadobara Semaya ka Galali ka Yedutum. Berekia, Asan bii, Elikanan debubu wi u wãa Netofagibun temã, u maa sãawa Lefi.

<sup>17</sup> Be ba sãa kãnnã kãsobu, bera Salumu ka Akubu ka Talumã, ka Ahimani ka begibu. Salumuwa u sãa ben wirugii.

<sup>18</sup> Wiya u ra n wãa sina bokon kãnnãwã ge ga wãa soã yari yeru gia sere ka gisã. Be ba sãa kãnnã kãsobu Lefin bweseru soã, bera mi.

<sup>19</sup> Salumu, Koren bii, Abiasafun debubu, Koren sikadobu ka wigii be ba tie, bera ba ra Yinni Gusunãn kuu bekurugirun kãnnã kãsu. Ben sikadobara ba ra raa sãmbu te ko.

<sup>20</sup> Finesi, Eleasaan biiwa u sãa ben wirugii. Ma Yinni Gusunã u wãa ka wi.

<sup>21</sup> Sakari, Meselemian biiwa u ra kuu bekurugii ten kãnnã kãsu.

<sup>22</sup> Be kpuron geera sãawa mi goobu ka wãkura yiru (212). Bera ba ra kãnnãsu kãsu. Ben yĩsa ba maa doke tireru soã ka ben wusu. Dafidi ka

Gusunon sɔmɔ Samuɛliwa ba bu sɔmbu te nɔmu sɔndia.

<sup>23</sup> Be ka ben bibun bwesera ba ra Yinni Gusunon sɔa yee ten kɔnnɔ si kɔsu.

<sup>24</sup> Be ba sɔa yerun kɔnnɔ si kɔsu mi, ba ra n wɔawa bera ka bera, sɔɔ yari yerɔ ka sɔɔ duu yerɔ, ka sɔɔ yɛsan nɔm geuɔ ka yen nɔm dwareɔ.

<sup>25</sup> Begibu gabu ba ra nɛ ben mi saa ben wusun di bu ka bu sina mi alusuma tia.

<sup>26</sup> Kɔnnɔ kɔsobun wirugibu nnɛ be, ba sɔawa Lefiba. Ba ra n wɔawa ben sɔmburu sɔɔ baadomma. Bera ba ra maa sɔa yerun dii sɔsu ka sɔa yee ten arumani kɔsu.

<sup>27</sup> Ba ra kpunɛwa bu ka sɔa yee te sikerena. Yam mɔn sɔra, kpa bu ten kɔnnɔsu wukia.

<sup>28</sup> Kɔnnɔ kɔso ben gaba ba ra yɔkurun dendi yɔnu kɔsu. Ba ra nu gariwa bɔn nu yaramɔ. Kpa bu maa nu gari bɔn nu duusiamɔ.

<sup>29</sup> Ben gaba ba ra maa sɔa yerun dendi yɔa ni nu tie kɔsu ka sere maa som ka tam ka gum ka turare ye ba ra dɔɔ doke ka maa turare nubu durorugia.

<sup>30</sup> Yɔku kowoba ba ra turare nubu durorugia ye ko.

<sup>31</sup> Lefi ben turo, Matitia, Salumun bii gbiikoo, Koren bweseru sɔɔ, wiya u ra kiranu wɔ.

<sup>32</sup> Wigibu gabu Kehatin bweseru sɔɔ, bera ba ra tɔɔ wɛrarugiru baateren pɛɛ ko, ye ba ra Yinni Gusunɔ yiye.

<sup>33</sup> Bera ba sɔa Lefiban yɛnu yɛrobu. Bera ba ra maa wom kowobu kpare. Ba ra n wɔawa sɔa yerun dinu ganu sɔɔ. Ba ku ra maa sɔma gaa ko, yɛn sɔ ba ra n sɔmburu mɔ sɔɔ sɔɔ ka wɔkuru.

<sup>34</sup> Bera ba sɔa Lefiban yɛnu yɛrobu nge mɛ ba ka swiine. Be, ba wɔawa Yerusalemɔ.



*Sɔɔlun bibun bweseru  
(I maa mɛɛrio 8:29-38)*

<sup>35</sup> Yeyɛli wi u Gabaoni swĩi, u wãawa Gabaoniɔ.  
Win kurɔn yĩsira Maaka.

<sup>36</sup> Win bii gbiikoowa Abudoni. Be ba maa tie,  
bera Suri ka Kisi ka Baali ka Neri ka Nadabu,

<sup>37</sup> ka Gedori ka Akiyo ka Sakari ka sere Mikoloti.

<sup>38</sup> Mikoloti wiya u Simeamu mara. Be kpuro ba  
wãawa Yerusalemuɔ begibun bɔkuɔ.

<sup>39</sup> Neriwa u Kisi mara. Ma Kisi u Sɔɔlu mara. Ma  
Sɔɔlu u Yonatam mara ka Maakisua ka Abinadabu  
ka sere Esibaali.

<sup>40</sup> Yonatamwa u Meribu Baali mara. Ma Meribu  
Baali u maa Misee mara.

<sup>41</sup> Miseen biba Pitoni ka Mɛlɛki ka sere Tarea.

<sup>42</sup> Akasiwa u Yara mara. Ma Yara u Alemɛti mara  
ka Asimafɛti ka sere Simiri. Simiriwa u Mɔsa mara.  
Ma Mɔsa u maa Binɛa mara.

<sup>43</sup> Binɛawa u Refaya mara. Ma Refaya u Eleasaa  
mara. Ma Eleasaa u Aseli mara.

<sup>44</sup> Bibu nɔɔba tia Aseli u mara. Ben yĩsa wee,  
Asirikamu ka Bokuru ka Isimɛli ka Searia ka  
Abudiasi ka sere Hananu. Be ba sãa Aselin bibu,  
bera mi.

## **DAFIDI, ISIRELIBAN SINA BOKON GARI**

*Sɔɔlu ka win bibun gɔɔ  
(I maa mɛɛrio Samuɛli I, 31:1-13)*

### **10**

<sup>1</sup> Filisitiba ba Isireliba tabu wɔri. Ma Isireliban  
tabu kowobu ba duki sua. Filisiti be, ba bu naa gira  
ba go go Giliboan guurɔ.

<sup>2</sup> Ba maa Sɔɔlun tii ka win bibu ita Yonatam ka  
Abinadabu ka Maakisua naamwɛ. Ma ba bii be go.

<sup>3</sup> Sannə ge, ga Səəlu swĩε. Tən towobu ba nùn sēenu twee ba mεera kua gem gem.

<sup>4</sup> Yera u win tabu yāa səəwo səəwa u nεε, u win takobi womə u nùn ye səku kpa bango sarirugii be, bu ku raa nùn səku bu yaa kasiki.

Adama durə wi, u yina u ko mε, domi bεrum nùn mwa gem gem. Ma Səəlu u takobi ye mwa u ka tii səka u kibarisi u taare.

<sup>5</sup> Ye win tabu yāa səəwo wi, u wa ma u gu, yera u maa win takobi sua u tii səka nge mε Səəlu u kua. Ma ba gu yam tem mi.

<sup>6</sup> Nge mεya Səəlu u ka gu ka win bibu ita be, ka win tabu yāa səəwo ka sere maa win tabu kowobu kpuro sannu.

<sup>7</sup> Ye Isireli be ba wāa Yisireelin wəwəə ba nua ma ben tabu kowoba duki sua, Səəlu ka win bii tən durəbu ba maa gu, yera ba ben wusu deri ba duki sua. Ma Filisitiba ba na ba sina wuu si səə.

<sup>8</sup> Ye n kua sisiru Filisitiba ba na ba goo nin yānu potirimə. Yera ba Səəlu ka win bibu itan gonu wa Giliboan guurə.

<sup>9</sup> Ma ba Səəlun wiru bura ba win tabu yānu kpuro potira. Yera ba səməbu gəra bu yen labaari kpara ben būu diaə ka ben təmbun mi, ben tem səə kpuro.

<sup>10</sup> Yera ba win tabu yānu sua ba doke ben būu dirə. Ma ba win wiru sua ba bwē ben būu wi ba mə Dagonin dirə.

<sup>11</sup> Sanam mε Yabesi ye ya wāa Galadin temə, yen təmbu ba nua ye Filisitiba ba Səəlu kua,

<sup>12</sup> yera be ba sāa tabu durə wərugəba ba seewa ba Səəlu ka win bibun goo ni sua ba ka da Yabesiə. Ma ba ben kukunu sikua dāru garun nuurə Yabesi mi. Ma ba nəə bəkua səə nəəba yiru.

<sup>13</sup> Sɔɔlu u guwa yèn sɔ u Yinni Gusunɔ tɔnu kam kom kua, u n̄ win woodaba mɛm nɔwɛ. U bikiaru dawa be ba ra gɔribu sokun mi.

<sup>14</sup> U n̄ Yinni Gusunɔ bikie. Ma Yinni Gusunɔ u dera u gu. Ma u win bandu sua u Isain bii, Dafidi wɛ.

*Dafidi u kua Isireliban sunɔ  
(I maa mɛrio Samuɛli II, 5:1-3)*

## 11

<sup>1</sup> Isireliba kpuro ba menna ba na Dafidin mi Heboroniɔ. Ma ba n̄n sɔɔwa ba nɛɛ, bɛsɛ ka wunɛ, sa s̄awa yem tem.

<sup>2</sup> Baa yellun di, saa ye Sɔɔlu u s̄a bɛsɛn sunɔ, wuna a ra sun mɛnnɛ a sun kpara a ka tabu da, kpa a ka maa sun wurama. Gusunɔ wunɛn Yinni u maa nun sɔɔwa u nɛɛ, wuna kaa ko bɛsɛn wirugii kpa a bɛsɛ win tɔmbu kpara.

<sup>3</sup> Yera Isireliban guro gurobu kpuro ba na Dafidi sina bokon mi Heboroniɔ. Ma u ka bu arukawani bɔkua Yinni Gusunɔn wuswaaɔ Heboroni mi. Yera ba n̄n gum t̄are wirɔ, ba n̄n kua be, Isireliban sunɔ nge mɛ Yinni Gusunɔ u gerua saa Samuɛlin n̄ɔn di.

*Dafidi u Yerusalemu wɔri*

*u mwa  
(I maa mɛrio Samuɛli II, 5:6-10)*

<sup>4</sup> Sɔɔ teeru, Dafidi ka Isireliba kpuro ba Yerusalemu wɔri. Yerusalemu yera ba maa sokumɔ Yebusi. Miya Yebusiba ba w̄a.

<sup>5</sup> Yera ba Dafidi sɔɔwa ba bɛɛ, n̄ n̄ koorɔ u duuma wuu ge sɔɔ.

Adama Dafidi u bu wəri u ben wuu gbāraruugu ge mwa. N deema gera ba maa sokumə Siṇi. Yen biru ba gu soka Dafidin wuu.

<sup>6</sup> N deema Dafidi u raa win tabu kowobu sōwa u nεε, wi u gbia u Yebusiba wəri u kamia, yērowa u koo ko tabu kowobun wirugii. Ma Yoabu, Seruyan bii u gbia u bu wəri u kamia. Ma u kua wirugii.

<sup>7</sup> Dafidi u da u sina wuu gbāraruugu gen mi. Yen sōna ba gu soka Dafidin wuu.

<sup>8</sup> Ma u bani kua u ka gu sikerena. U banawa saa Milon di u ka sikerena. Ma Yoabu u maa gen mi n tie sōnwa.

<sup>9</sup> Ma Dafidin dam mu sosimə. Domi Gusunə wəllu ka tem Yinni u wāa ka wi.

### *Dafidin tabu kowobu*

*(I maa mεrio Samueli II, 23:8-39)*

<sup>10</sup> Wee be ba sāa Dafidin tabu kowobun wirugibu. Be ka Isireliba kpurowa ba nūn kua sina boko nge mε Yinni Gusunə u gerua win təmbun sō. Ba nūn mεm nəwawa mam mam win bandun waati ye kpuro sō.

<sup>11</sup> Yasobeamu, Hakumənin bii u sāa tabu kowobun wirugii ben turo. Wiya u təmbu gooba wunəbu (300) go ka yaasa nən teerun tabu sō.

<sup>12</sup> Yen biru Eleasaa, Dodon bii, Akosigii, u sāawa tabu kowobu ita yen turo.

<sup>13</sup> U wāa ka Dafidi Pasi Damimuə, sanam mε Filisitiba ba menna bu ka bu tabu wəri. Ma Isireliba ba duki Filisitiban wuswaan di. N deema gberu gara wāa mi, tē sō ba əsu duura.

<sup>14</sup> Yera Eleasaa ka win təmbu ba yāra gbee ten suunu sō ba ka tu yina. Ma ba ka Filisitiba tabu

kua ba bu go. Yinni Gusunə u bu nasara baka wē dāma te.

<sup>15</sup> Səə teeru Dafidin tabu sinambu tēna ye səə, ben ita ba da ba nūn deema Adulamun kpee wəruə, sanam mē Filisitiban tabu kowobun wuuru garu ta na ta ten sansani gira Refaban wəwaa.

<sup>16</sup> Saa ye səə, Dafidi u wāa kpee wəru ge səə, ma Filisitiban sansani ya maa gire Betelehemuə.

<sup>17</sup> Ma Dafidi u Betelehemun beke kua u nēε, wara u koo ka man Betelehemun gbāra kənnən dəkən nim naawa n nə.

<sup>18</sup> Yera win tabu durəbu ita be, ba da ba Filisitiban sansani ye wəri ka dam ba Dafidi nim mē takama ba ka na. Adama u n mu nəra. U ka mu yākuru kuawa, u Yinni Gusunə yaria.

<sup>19</sup> U nēε, Gusunə u man gbara bu nēε, nēna na nim mē nəra. Domi mēn sōna tən beni ba ben wāaru kari bərie. Nim mē, mu sāawa nge ben yem mē mu koo raa yari.

Yen sōna u yina u mu nə.

Yeniba kpurowa Dafidin tabu kowobu ita be, ba kua.

<sup>20</sup> Abisai, Yoabun wənəwa u sāa tabu sinambu tēna yen wirugii. Təmbu gooba wunəbuwa (300) u go ka win yaasa. Ma u yīsiru yara wigibun suunu səə.

<sup>21</sup> Ba nūn bēεε wē too. Adama u n tabu durəbu ita be tura.

<sup>22</sup> Benaya, Kabisεeligii, Yehoyadan bii, u sāawa tabu durə wərugə. Ma u yīsiru yara nasara dabi te u wan sō. Wiya u Məabuban təmbu yiru gabu go, be ba sē nge gbee sinansu. Wiya u maa dua dəkə kpiriru səə u gbee sunə kāasi mi, u go puran saa səə.

<sup>23</sup> Ma u Egibitin tabu durɔ damgii goo go. Win gunum mu sãawa gɔm soonu nɔɔbu. Ma u yaasa nɛni. Yen buru ta sãawa nge weson dɛka ye u ra beku yasa tɛke. Saa yɛ sɔɔ u nùn wɔrim dɔɔ, bokura u nɛni. Ye u tura mi, ma u durɔ win yaasa ye u nɛni mi wɔra u ka nùn sɔka u go.

<sup>24</sup> Yeniba kpurowa Bɛnaya Yehoyadan bii u kua. Ma u yĩsiru yara tabu kowobu tɛna ye sɔɔ.

<sup>25</sup> U bɛɛɛ baka wa Dafidin tabu durɔbu tɛna ye sɔɔ. Adama ya ñ tabu durɔ gbiikobu ita begia tura. Ma Dafidi u nùn kua win tiin kɔsobun wirugii.

<sup>26</sup> Dafidin tabu kowo ben gabun yĩsa wee, Asaeli, Yoabun wɔnɔ, ka Elikanani, Dodon bii, Betelehemugii,

<sup>27</sup> ka Samati, Harorigii, ka Helɛsi, Palonigii,

<sup>28</sup> ka Ira, Ikɛsin bii, Tekoagii, ka Abiesɛɛ, Anatɔtugii,

<sup>29</sup> ka Sibekai, Husagii, ka Ilai, Akoasigii,

<sup>30</sup> ka Maharai, Nɛtofagii, ka Helɛdi, Baanan bii, wi u maa sãa Nɛtofagii,

<sup>31</sup> ka Itai, Ribain bii, Gibeagii, ye ya wãa Bɛnyamɛɛn temɔ, ka Bɛnaya, Piratonigii,

<sup>32</sup> ka Hurai, Nasale Gaasigii, ka Abielɛli, Arabagii,

<sup>33</sup> ka Asimafɛti, Basarumugii, ka Eliaba, Saabonigii,

<sup>34</sup> ka Bɛɛ Hasɛmu, Gisonigii, ka Yonatam, Sagen bii, Hararigii,

<sup>35</sup> ka Akiamu, Sakaan bii, Hararigii, ka Elifali, Urun bii,

<sup>36</sup> ka Hefɛɛ, Mɛkeragii, ka Akiya, Palonigii,

<sup>37</sup> ka Hɛsiro, Kaameligii, ka Naarai, ɛsibain bii,

<sup>38</sup> ka Yoeli, Natanin mɔɔ, ka Mibisaa, Hagirin bii,

39 ka Seleki, Amønigii, ka Nakarai, Berətugii wi u  
 ra Yoabu, Seruyan biin tabu yānu sɔbe,  
 40 ka Ira, ka Garɛbu be ba sāa Yetεεba,  
 41 ka Uri, Hεti, ka Sabadi, Alaigii,  
 42 ka Adina, Sisan bii, Rubenin bwese keran  
 wirugii turo, wi u tabu kowobu tɛna mɔ,  
 43 ka Hanani, Maakan bii, ka Yosafati, Mitinigii,  
 44 ka Osiasi, Asitarətugii, ka Sama, ka Yeyeli be ba  
 sāa Hotamun bibu, Aroεεgibu,  
 45 ka Yedieli, Simurin bii, ka win wɔnɔ Yoka,  
 Tisigii,  
 46 ka Elieli, Makafimugii, ka Yeribai, ka Yosafia,  
 Elinamun bibu, ka Yitima, Mɔabu,  
 47 ka Elieli, ka Obedi, ka Yasieli, Sobagii.

## 12

### *Tabu kowo be ba ka Dafidi*

#### *nɔɔ tia kua Sɔɔlun waati*

1 Sanam mε Dafidi u kpikiru sua u da Sikilagiɔ u  
 ka Sɔɔlu Kisin bii tonda, yera gaba seewa ba da win  
 mi. Ba sāawa tabu durɔ wɔrugɔba be ba sɔɔru sāa  
 bu ka nùn tabu somi.

2 Ma ba tennu ka kpurantεenu neni. Ba maa ye  
 kpuron tobu yēwa nɔm geu ka nɔm dwaru.

Be ba sāa Benyamεεba, Sɔɔlun bwese kera sɔɔ,

3 bera tabu sunɔ Akiesεε ka Yoasi be ba sāa  
 Sema, Gibeagiin bibu, ka Yesieli, ka Peleti be ba  
 sāa Asimafetin bibu, ka Beraka ka Yehu be ba sāa  
 Anatətugibu,

4 ka Yisimaya, Gabaonigii, wi u sāa tabu sinambu  
 tɛna yen wirugii turo,

5 ka Yeremi ka Yasieli, ka Yokanani ka Yosabadi,  
 Gederagii,

6 ka Elusai ka Yerimoti ka Bealia ka Semaria ka Sefatia, Harofugii,

7 ka Elikana ka Yisiya ka Asareli, ka Yoesee ka Yasobeamu, be ba saa Koren bwese keragibu,

8 ka Yoela ka Sebadia be ba saa Yerohamun bibu, Gedorigibu.

9 Gadiba soo, tabu duru wourugoba ba na Dafidin mi kpee wuru gen mi, ghaburu. Ba sawa be ba tabu tobu ye. Ma ba terenu ka yaasi neni. Ba dam mowa nge gbee sinansu. Ma ba sau nge nem ni nu wa guunu wallu.

10-14 Ba sawa tonu wakura tia. Bera tabu suno Esee ka Abudiasi ka Eliabu ka Misimana ka Yeremi ka Atai ka Elieli ka Yokanani ka Elisabadi ka Yeremi ka Makibanai.

15 Be ba saa Gadigibu ba ka saa tabu sinambu, bera mi. Wi u piiburu bo be soo, wiya u koo tambu wunubu (100) tabu wari. Wi u maa bo, kpa u tambu narubu (1.000) tabu wari.

16 Bera ba Yuudeni tabura won suru gbiikoo soo, sanam me ya nim yiba sere bowo. Bera ba maa ton be ba wa wawi soo gira yen soo yari yeru gia ka yen soo duu yeru gia.

17 Benyameeba ka Yudaba ben tii ba maa na Dafidin mi kpee wuru mi.

18 Dafidi u bu senna da, ma u bu sawa u nee, in ween na nen mi ka bwisiku geenu, i ka man somi, kon ka bee noo tia ko. Adama in ween na i ka man samba ko, kpa nen yiberaba bu ka man go sanam me na n taare gaa kue, Gusuno besen baababan Yinni u ye waawo, kpa u sun siria.

19 Yera Yinni Gusunan Hunde u dua Amasai, tabu sinambu tena yen turo soo, ma u gerua u nee, wuna sa ka yora,



wunε Dafidi, Isain bii.

Wunε ka be ba nun somimən bwēra yu kpunə.

Domi Gusunə wunen Yinni u nun faaba kua.

Ma Dafidi u bu mwa ka nuku dobu. Ma u dera ba dua win tabu sinambun wuuru sə.

<sup>20</sup> Manasen bwese keran tumbu ba Dafidi swī sanam me wi ka Filisitiba ba də bu ka Səlu tabu ko. Adama ba n Filisiti be somi. Domi ye Filisiti ben wirugibu ba wesiana, ba Dafidi girawa ba neε, u ko n wāawa Səlu win yinnin biruə kpa u ra bu wiru bəri.

<sup>21</sup> Manasen bwese keragii be ba Dafidi swīma sanam me u gəsirama Sikilagiə, bera Adina ka Yosabadi ka Yedieli ka Mikaeli ka Yosabadi goo ka Elihu ka Silitai. Be kpuro ba sāawa Manasen bwese keran tabu kowo wuunun wirugibu.

<sup>22</sup> Bera ba Dafidi somi domi be kpuro ba sāawa tabu durə wərugəba ka maa tabu sinambu.

<sup>23</sup> Tə baatere, tumbu ba ra n naaməwa Dafidin mi bu ka nūn somi sere win tabu kowobu ba dabi ba dam kua nge Gusunən tabu kowobu.

### *Tabu sinam be ba Dafidi kua*

#### *Isireliba kpuron sunə*

<sup>24</sup> Tabu kowo be ba na Dafidin mi Heboroniə bu ka nūn Səlun bandu wesia nge me Yinni Gusunə u gerua, ben geeru wee.

<sup>25</sup> Yudan bwese kera sə, tabu kowo be ba tere nu ka yaasi neni, ba sāawa tənu nərəbun suba nəəba tia ka ne ne (6.800).

<sup>26</sup> Simeən bwese kera sə, be ba sāa tabu durə wərugəba ben geera sāawa nərəbun suba nəəba yiru ka wunəbu (7.100).

<sup>27</sup> Lefiban bwese kera sɔɔ, tɔmbu nɔrɔbun suba nne ka nata (4.600) ba wãa,

<sup>28</sup> ka Yehoyada, Aronin yenun wirugii ka win tɔmbu nɔrɔbun suba ita ka nata ka wunɔbu (3.700),

<sup>29</sup> ka Sadaku, aluwaasi kpɛmbu wi u sãa tabu durɔ wɔrugɔ ka wirugibu yɛnda yiru be ba sãa win tundon yenugibu.

<sup>30</sup> Benyamɛɛn bwese kera sɔɔ, be ba sãa Sɔɔlun mero bisibu, ba sãawa tɔmbu nɔrɔbun suba ita (3.000) domi ben dabira ba ka Sɔɔlu yɔra n ka saa ye girari.

<sup>31</sup> Efaraimun bwese kera sɔɔ ba sãawa nɔrɔbun suba yɛndu ka nenɛ (20.800). Ba bu gara yɛnu ka yɛnu. Ba sãawa tabu durɔ wɔrugɔba be ba yĩsiru yara.

<sup>32</sup> Manasen bwese keran sukungibu ba sãawa nɔrɔbun suba wɔkura nɔɔbu ka ita (18.000). Bera ba soka ka ben yĩsa bu ka da bu Dafidi ko sunɔ.

<sup>33</sup> Isakarin bwese kera sɔɔ, ba sãawa tabu sinambu goobu (200) ka sere maa ben tɔn be ba kpare. Isakarin bwese keragii be, ba ben waatin asansi yɛ bu ka tubu ye Isireliba ba koo ko.

<sup>34</sup> Sabulonin bwese kera sɔɔ, ba sãawa tɔmbu nɔrɔbun suba weeraakuru (50.000) be ba tabu yɛ, ba maa tabu yãa bwese bweseka neni, ba sɔɔru kpeere bu ka tabu ko ka gɔru tia.

<sup>35</sup> Nɛfitalin bwese kera sɔɔ, ba sãawa tabu sinambu nɔrɔbu (1.000) ka sere maa tabu kowobu nɔrɔbun suba tɛna ka nɔɔba yiru (37.000) be ba tɛɛnu ka yaasi neni.

<sup>36</sup> Danun bwese kera sɔɔ, be ba tabun sɔɔru kpeere, ba sãawa tɔmbu nɔrɔbun suba yɛnda nɔɔbu ka ita ka tɔnu nata (28.600).

<sup>37</sup> Aseɛn bwese kera sɔɔ, be ba tabu yɛ ma ba sɔɔru

sāa bu ka tabu ko, ba sāawa tōmbu nārōbun suba weeru (40.000).

<sup>38</sup> Be ba wāa Yuudenin sōo yari yeru gia, Rubeniba ka Gadigibu ka Manasen bwese keran sukumgibu ba sāawa tōmbu nārōbun suba wunaa teeru (120.000). Ba maa tabu yāa bwese bweseka mō.

<sup>39</sup> Tōn be ba tabun sōoru sāa mi, be kpurowa ba na Heboroniō ka gōru tia, kpa bu ka Dafidi ko Isireliba kpuron sunō. Ma Isireli be ba tie ba ka bu nōo tia kua.

<sup>40</sup> Ma ba kua sōo ita Dafidin mi, ba dimō ba nōrumō. Domi begibu ba dīanun sōoru kua ben sō.

<sup>41</sup> Yen biru be ba wāa ben bōkuō n ka girari Isakariba, ka Sabuloniba ka sere Nefitaliba, ba ra ben ketekunu ka ben yooyoosu ka ben birakōsu ka sere maa ben keteba dīanu sōbimewa bu ka na, ka maa som ka figi gbebi, ka resēm gbebi, ka tam ka gum, ka keteba ka yāanu dabi dabinu, domi be kpuro ba wāa nuku dobu sōo.

*Dafidi u Yinni Gusunōn*

*woodan kpakorori yi*

*Obedi Edāmun yenuō*

*(I maa mērio Samueli II, 6:1-11)*

## 13

<sup>1</sup> Sōo teeru Dafidi u tabu kowōbu nōrōm nōrōm ka wunōm wunōm wirugibu mēnna ka sere maa wirugii be ba tie.

<sup>2</sup> Ma u be kpuro sōowa u nēē, yeni yā n ween na Gusunō besen Yinnin min di, ma ya bēē wēre, i de su sōmōbu gōri besegibun mi Isirelin tem kpuro sōo,

yāku kowobu ka Lefiban mi be ba wāa wuu marosə ka kpara yenə kpa bu mennama.

<sup>3</sup> Kpa su ka Gusunə besen Yinnin woodan kpakoro te wurama. Domi sa n̄ ten gari kue Səəlun waati səə.

<sup>4</sup> Ma tən be kpuro ba wura bu ko mε. Domi gari yi, yi ka bu naawa.

<sup>5</sup> Ma Dafidi u Isireliba kpuro menna saa Sikorin di ye ya wāa Egibitiə sere ka Hamatin duu yerə kpa bu da bu Yinni Gusunən woodan kpakoro te suama Kiriati Yarimun di.

<sup>6</sup> Yera Dafidi u seewa ka Isireli be kpuro ba da Baalə ye ba maa m̄ Kiriati Yarimu, Yudan temə, bu ka Yinni Gusunən woodan kpakoro te tama, tən wuswaaə ba ra Yinni Gusunən yīsiru soku, wi u ra n s̄ ten wəllə wəllun k̄səobun suunu səə.

<sup>7</sup> Ma ba tu sua ba doke naa keke kpaə gaa səə ba ka doona Aminadabun yenun di. Usa ka Akiyowa ba naa keke ye kpare.

<sup>8</sup> Ma Dafidi ka Isireliba kpuro ba bu swī ba mərəkunu soomə ka ḡəgenu, ka bara kpānu, ka seketirenu, ka yankokonu. Ma ba womusu m̄ ba yaamə ka ben dam kpuro ba ka Gusunə s̄amə.

<sup>9</sup> Saa yè səə ba tura Kidonin doo soo yerə, yera kpakoro te, ta wərumaa dəə, ma Usa u n̄ma demia u tu gaba.

<sup>10</sup> Mii mii, Yinni Gusunə u ka n̄n m̄ru kua. Ma u dera u wəruma kpakoro ten bəkuə u gu, yèn s̄ u tu baba.

<sup>11</sup> Dafidi u m̄ru kua too yèn s̄ Yinni Gusunə u ka Usa s̄eyasia mε. Ma u yam mi yīsiru k̄ Peresi Usa. Yen tubusiana Usan goo yeru. Yīsi tera ba ka mu sokumə sere ka gisən gisə.

<sup>12</sup> Ma Dafidi u Yinni Gusunə nasia dōma te. Yera n dera u ka nεε, aməna u koo ko u ka Yinni Gusunən woodan kpakoro te turi win yenuə.

<sup>13</sup> U n̄ dere bu gina ka tu da win yenuə Yerusalemuə. U dera ba ka tu dawa Obēdi Edōmu Gatigiin yenuə.

<sup>14</sup> Ma ta kua mi suru ita. Ma Yinni Gusunə u durə wi ka win yenuḡibu ka maa ye u mə kpuro domaru kua.

*Dafidi u wāa Yerusalemuə*

*(I maa mεerio 3:5-9; Samuēli II, 5:11-16)*

## 14

<sup>1</sup> Sōo teeru, Hiram, Tirin sunə u Dafidi səməbu ḡoria ka dāa gea ye ba sokumə sēduru ka dāa dākobu ka be ba ra kpenu dāku, kpa bu n̄n sina kpaaru bania.

<sup>2</sup> Dafidi u tuba ma Gusunəwa u win bandun dam siremə. Wiya u maa ban te walle suamə win tambu Isireliban sō.

<sup>3</sup> Yen biru Dafidi u maa kurəbu gabu sua Yerusalemuə. Ma ba n̄n bii tən durəbu ka tən kurəbu marua.

<sup>4</sup> Bera Samua ka Sobabu ka Natani ka Salomə

<sup>5</sup> ka Yibaa ka Elisua ka Elifeleti

<sup>6</sup> ka Nōga ka Nefēgi ka Yafia

<sup>7</sup> ka Elisama ka Beliada ka sere Elifeleti goo.

*Dafidi u Filisitiba kamia*

*(I maa mεerio Samuēli II, 5:17-25)*

<sup>8</sup> Ye Filisitiba ba nua ba Dafidi gum tāre wirə u kua Isireliba kpuron sunə, yera be kpuro ba seewa ba n̄n wərim wee. Ye u nua mε, yera u sara u da u ka bu yinna.

<sup>9</sup> Saa ye sɔɔra Filisiti be, ba tunuma ba ɛria Refan wɔwɔɔ.

<sup>10</sup> Ma Dafidi u Yinni Gusunɔ bikia u nɛɛ, n doo n Filisiti be wɔri? Kaa man bu nɔmu ɛria?

Ma Yinni Gusunɔ u nùn wisa u nɛɛ, a doo, kon nun bu nɔmu ɛria.

<sup>11</sup> Ma ba seewa ba da Baali Perasimuɔ. Miya Dafidi u Filisiti be go go. Ma u gerua u nɛɛ, Yinni Gusunɔ u nɛn yibereban wuuru gĩa nge mɛ nim tora ya ra guna gĩa.

Yen sɔna ba yam mi yĩsiru kã Baali Perasimu.

<sup>12</sup> Yera Filisiti be, ba duki sua ba ben bwãarokunu deri mi. Ma Dafidi u win tumbu sɔɔwa bu nu guro bu dɔɔ mɛni.

<sup>13</sup> Amen biru, Filisiti be, ba kpam na ba ɛria Refan wɔwa mi.

<sup>14</sup> Ma Dafidi u Yinni Gusunɔ bikia u nɛɛ, n maa doo n bu wɔri? Ma Yinni Gusunɔ u nùn wisa u nɛɛ, oo. Adama a ku da sɔru sɔrum mɛ. A besiro kpa a da a n wãa dãa ye ba mɔ miren sɔɔwɔ.

<sup>15</sup> Sanam mɛ a naa damu damusu gasu nɔɔmɔ dãa wɔllɔ, a yarima. Domi nɛ, Yinni Gusunɔwa na nun gbiiye n ka ben sansani ye wɔri.

<sup>16</sup> Ma Dafidi u kua nge mɛ Yinni Gusunɔ u nùn sɔɔwa. U da u Filisiti be go go saa Gabaonin di n ka da Gesɛɛɔ.

<sup>17</sup> Ma Dafidi u yĩsiru yara tem baama kpuro sɔɔ. Ma Yinni Gusunɔ u nùn dam wɛ bwesenu kpuro sɔɔ.

## 15

*Dafidi u Yinni Gusunɔn*

*woodan kpakororu wãa yeru*

*sɔɔru kua*

1 Yeniban biru, Dafidi u tii dia bania Yerusalemuə. U maa Yinni Gusunən woodan kpakororu wāa yeru kua mi.

2 Ma u nεε, Lefiba tənawa n weenε bu tu səbe. Domi bera Yinni Gusunə u gəsa bu ka tu səbe, kpa bu maa ten səmburu ko saa kpuro səə.

3 Ma Dafidi u Isireliba kpuro menna Yerusalemuə bu ka Yinni Gusunən woodan kpakoro te da ten ayerə mi u səuru kua ten sō.

4 U maa yāku kowobu Aronin bweserugibu ka Lefiba menna.

5 Kehatin bweseru səə, Urieliwa u sāa wirugii ka wigibu tənu wunaa teeru (120).

6 Merarin bwese kera səə, Asayawa u sāa wirugii, ka wigibu təmbu goobu ka yendu (220).

7 Gεεsənin bwese kera səə, Yoeliwa u sāa wirugii ka wigibu təmbu wunaa teeru ka wəkuru (130).

8 Elisafanin bwese kera səə, Semayawa u sāa wirugii ka wigibu tənu goobu (200).

9 Heboronin bwese kera səə, Elieliwa u sāa wirugii ka wigibu tənu wεnε (80).

10 Usielin bwese kera səə, Aminadabuwa u sāa wirugii ka wigibu tənu wunəbu ka wəkura yiru (112).

11 Ma Dafidi u yāku kowobu Sadəku ka Abiataa soka, ka sere maa Lefi beni, Urieli ka Asaya ka Yoeli ka Semaya ka Elieli ka sere Aminadabu.

12 Ma u bu sōwa u nεε, bεεya i sāa wirugibu Isireliban bwese keri səə. Yen sō, i tii dεerasio bεε ka bεen yenugibu, kpa i da i ka Gusunə bεsε Isireliban Yinnin woodan kpakororu suama i ka na yam mi na tu wāa yeru kua səə.

13 Yellu, Gusunə bεsən Yinni u sun sεεyasia ka gəə

yèn sō i ñ daa wāa mi, ma sa ñ win wooda mem nōwε.

<sup>14</sup> Yera yāku kowo be, ka Lefi be, ba tii deerasia bu wa bu ka Gusunō be Isireliban Yinnin woodan kpakoro te suama.

<sup>15</sup> Ma Lefi be, ba kpakoro te sua ba seru sōndi ka ten dāa pōasi yi ba ra ka tu sue nge mε Yinni Gusunō u raa yiire bu ko saa Mōwisin nōan di.

<sup>16</sup> Ma Dafidi u maa Lefiban wirugii be sōwa u nεε, bu begibu sōru koosio be ba koo womusu ko ba n guunu ka mōrōkunu ka seketirenu soomō ka dam bu ka nuku dobu sōasi.

<sup>17</sup> Be Lefiba ba sōru koosia, bera Hemani, Yoelin bii ka win sōm kowosii beni, Asafu, Berekian bii ka sere maa Etani, Kusayan bii, Merarin bwese keragii.

<sup>18</sup> Be ba maa swīi, bera Sakari ka Beni ka Yaasieli ka Semiramōtu ka Yehieli ka Uni ka Eliabu ka Benaya ka Maaseya ka Matitia ka Elifele ka Mikineya ka Obēdi Edōmu ka sere Yeyeli. N deema beni kpuro ba sāawa kōnnō kōsobu.

<sup>19</sup> Wom kowo be ba seketirenu soomō ni ba kua ka sii gandu, bera Hemani ka Asafu ka sere Etani.

<sup>20</sup> Be ba maa guunu soomō ni nu gōru yāka mō, bera Sakari ka Asieli ka Semiramōtu ka Yehieli ka Uni ka Eliabu ka Maaseya ka sere maa Benaya.

<sup>21</sup> Matitia ka Elifele ka Mikineya ka Obēdi Edōmu ka Yeyeli ka sere Asasia, bera ba mōrōku serum nōōba itaginu soomō ba ka womusu swīi.

<sup>22</sup> Lefi be sō, Kenaniawa u sāa wom kowo ben wirugii. Wiya u bu womusu koosiamō domi u yēru mō.

<sup>23</sup> Be ba ra Yinni Gusunōn woodan kpakoro te sōbe, bera Berekia ka Elikana



<sup>24</sup> ka Obedi Edomu ka Yehia. Yāku kowo be ba ra kabi so Yinni Gusunən woodan kpakoro ten wuswaa, bera Sebania ka Yosafati ka Netanēli ka Amasai ka Sakari ka Benaya ka sere Eliesee.

### *Yinni Gusunən*

#### *woodan kpakororu*

#### *ta tura Yerusalemu*

*(I maa mērio Samuēli II, 6:12-19)*

<sup>25</sup> Dafidi ka Isireliban guro gurobu ka tabu kowobu nərəm nərəm wirugibu ba swaa wəri ba ka Yinni Gusunən woodan kpakoro te wee Obedi Edamun yenun di ka nuku dobu.

<sup>26</sup> Yinni Gusunə u wāa ka Lefi be ba win woodan kpakoro te sɔwa. Ma ba kete nɔba yiru ka yāa kinenu nɔba yiru go ba ka yākuru kua.

<sup>27</sup> Dafidi ka Lefi be ba woodan kpakoro te sɔwa ka wom kowobu, ka sere Kenania wi u wom kowo be kpare, be kpuro ba yabenu sebua ni ba kua ka wēε damgii. Yen biru, Dafidi u maa yāku kowon yabe tarakpe doke.

<sup>28</sup> Isireliba kpuro ba ka Yinni Gusunən woodan kpakoro te na Yerusalemu. Ba kuuki m̀ nuku dobu sɔ, ma ba kabi ka sekētirenu ka guunu ka mərakunu soom.

<sup>29</sup> Ye ba ka Yinni Gusunən woodan kpakoro te duɔ Dafidin wuu, yera Mikali Sɔlun bii tən kurə u mērima saa fənəntin di. Ye u wa sina boko Dafidi u yɔkumə u yaam, yera u nūn gema.

## 16

<sup>1</sup> Ye ba ka kpakoro te tunuma, yera ba tu doke ten ayerə kuu bekurugiru sɔ te Dafidi u kua

ten sã. Yen biruwa u Yinni Gusunã yãku dõõ mwaararuginu ka siarabun yãkunu kua.

<sup>2</sup> Ye Dafidi u yãku ni kua u kpa, yera u win tãmbu Isireliba domaru kua ka Yinni Gusunãn yĩsiru.

<sup>3</sup> Ma u be kpuro dĩanu bõnu kua, tøn kurõbu ka tøn durõbu. U baawure pẽẽ ka yaa wõõra wẽ ka sere maa kira te ba kua ka reseḿ gbeba.

### *Lefiba ba Yinni Gusunã*

*siaramã ka womusu*

*(I maa m̄erio Womu 105:1-15; 96; 106:1,47-48)*

<sup>4</sup> Ma Dafidi u Lefi ben gabu sãma wẽ woodan kpakoro ten sã, kpa bu ka Gusunã be Isireliban Yinni sã. Kpa bu nùn siara, kpa bu nùn beere wẽ.

<sup>5</sup> Asafuwa u sãa ben wirugii. Ma Sakari u sãa win yiruse. Ma Yeyeli ka Semiramatu ka Yehieli ka Matitia ka Eliabu ka Benaya ka Obedi Edõmu ka sere Yeyeli ba guunu ka m̄rõkunu soomã. Ma Asafu u maa seketirenu soomã.

<sup>6</sup> Ma yãku kowo beni, Benaya ka Yasieli ba kãbi soomã tãa tãa Yinni Gusunãn woodan kpakoro ten wuswaaã.

<sup>7</sup> Tõõ tera Dafidi u dera Asafu ka wigibu ba Yinni Gusunã tãmam torua. Ba n̄ẽ,

<sup>8</sup> i Yinni Gusunã siaro, kpa i nùn sã, kpa i bwesenu n̄õsia sãm baka ni u kua.

<sup>9</sup> I nùn tãmã.

I nùn siaro ka womusu,

kpa i win sãm maamaakiginun gari kpara.

<sup>10</sup> I ȳerio win yĩsi d̄erarun sã,

kpa i nuku dobu ko

b̄ẽ b̄en gõru ga nùn kasu.

<sup>11</sup> I ḡsiro Yinni Gusunã Dam kpurogiin mi,

kpa i nùn kasu baadomma.

12-13 Bεε Isireliba, Yakəbu Gusunən səm kowon  
bweseru,

bεε be u gəsa,

i yaayo səm maamaakigii ni u kua

ka gari yi u bεε sōwa.

14 Gusunəwa u sāa bεεn Yinni.

Wiya u koo handunia kpuro siri.

15-16 I arukawani ye yaayo baadomma

ye u ka Aburhamu bəkua

ka maa nəə mwεε te u Isaki kua.

17 U ka ye Isireliba, Yakəbun bweseru bəkuawa

ya n sāa wooda sere ka baadommaə.

18 U nεε, u koo bu Kananin tem wē

bu tubi di.

19 N deema sanam mε,

Isireliba ba n dabi,

ma ba sāa səbu tem mε səə.

20 Ba ra n daaməwa bwese tukunun mi

ka wuu tukusə.

21 Adama u n dere goo u bu dam dəre.

U maa sinambu sεyasia ben sō.

22 U nεε, i ku nεn tən be na gəsa baba.

I ku maa nεn səməbu kōsa kua.

23 Yen sō, bεε handuniagibu,

i Yinni Gusunə təmə.

I win faaban gari kparo tōə baatere.

24 I win yiikon girima ka win səm maamaakiginu  
kparo

bwesenun suunu səə.

25 Domi Yinni Gusunə u kpā.

Wiya n weenε bu siara.

U būnu kpuro nanum kere.

26 Bwese tukunun būnu nu sāawa kam dirum.

Adama Yinni Gusunəwa u wəllu kua.

27 Yiiko ka girima ya wāa win wuswaaə.

Ma dam ka nuku dobu wãa win wãa yerɔ.

<sup>28</sup> Bɛɛ bwesenu kpuro,

i Yinni Gusunɔ yiiko ka bɛɛɛɛ wɛɛyɔ.

<sup>29</sup> I Yinni Gusunɔn yĩsiru yiiko wɛɛyɔ.

I ka nùn kɛnu daawo win sãa yerɔ.

Kpa i yiira win wuswaaɔ

i nùn sã win dɛɛrarun sɔ.

<sup>30</sup> Bɛɛ handuniagibu kpuro,

i diirio win wuswaaɔ.

Tem mu dam mɔ,

mu ñ bāarimɔ.

<sup>31</sup> Wɔllu, a yɛɛrio,

kpa tem mu nuku dobu ko.

I bwesenu kpuro sɔɔwɔ

ma Yinni Gusunɔ u bandu dii.

<sup>32</sup> Nim wɔku gu kuuki koowo,

ka ye ya wãa ge sɔɔ.

Ye ya wãa gen bera mi gia kpuro,

yu nuku dobu koowo.

<sup>33</sup> Dãnu, i nuku dobun kuuki koowo

Yinni Gusunɔn wuswaaɔ.

Domi u wee u handuniagibu siri.

<sup>34</sup> I Yinni Gusunɔ siaro win tɔn geerun sɔ.

Win kĩru ta ñ nɔru mɔ.

<sup>35</sup> I nùn nɔɔgiru sueyo i nɛɛ,

Gusunɔ bɛɛɛn Faaba kowo, a sun faaba koowo.

A sun wɔro bwese tukunun nɔman di,

kpa a sun mɛnna.

Saa yera sa ko nun tɔma

sa n wunen yĩsi dɛɛraru soku,

kpa sa n yɛɛrimɔ, sa n mɔ,

<sup>36</sup> Gusunɔ, Isireliban Yinni,

wuna ba ko n siaramɔ sere ka baadommaɔ.

Ma tɔmbu kpuro ba nɛɛ, ami! I Yinni Gusunɔ siaro.

<sup>37</sup> Yen biru Dafidi u Asafu ka wigibu yiire ba n wãa Yinni Gusunən woodan kpakoro ten mi, ba n sɔmburu m̀ baadomma.

<sup>38</sup> Ma u Obedi Edomu ka Hosa ka begibu gɔsa. Ben geera sãawa tɔmbu wata ka nɔɔba ita (68). Obedi Edomu, Yedutum bii, ka Hosa ba sãawa kɔnnɔ kɔsobu.

<sup>39</sup> Ma Dafidi u yãku kowo Sadaku ka wigibu yiire bu sɔmburu ko gunguru wɔllɔ Gabaoniɔ, mi ba ra Yinni Gusunɔ yãkuru kue,

<sup>40</sup> ba n da nùn yãku dɔɔ mwaararuginu kue baadomma yãku yerɔ, bururu ka yoka, kpa bu maa ko kpuro ye ya wãa wooda sɔɔ ye u Isireliba wɛ.

<sup>41</sup> Be sɔɔra Hemani ka Yedutum ka sere be ba gɔsa ba ben yĩsa sia sia mi, bu ka Yinni Gusunɔ sã ba wãa. Domi wi, Yinni Gusunən tən geeru ta ra n wãawa sere ka baadommaɔ.

<sup>42</sup> Hemani ka Yedutum, bera ba ra kɔbi ka sekɛtirenɔ ka sere maa yã ni nu tien wunanɔsu ko, ni ba ra ka womusu ko b̀ n Yinni Gusunɔ sãamɔ. Yedutum biba ba maa sãa kɔnnən kɔsobu.

<sup>43</sup> Yen biru, tɔmbu kpuro ba gɔsira ba wura ben yenusɔ. Ma Dafidi u maa da win yenuɔ u ka win yenugibu domaru kua.

*Nɔɔ mwɛɛ te Gusunɔ u Dafidi*

*ka win bibun bweseru kua  
(I maa mɛriɔ Samuɛli II, 7:1-17)*

## 17

<sup>1</sup> Ye Dafidi u da u sina win yenuɔ, yera u Gusunən sɔmɔ Natani sɔɔwa u nɛɛ, n weenɛ na n wãa diru sɔɔ te ba kua ka dãa gea ye ba m̀ seduru, kpa Gusunən woodan kpakororu ta n wãa kuu bekurugiru sɔɔ?

<sup>2</sup> Ma Natani u nùn wisa u nεε, a doo a ko nge mε a gǎru doke kpuro. Domi Yinni Gusunɔ u wǎa ka wunε.

<sup>3</sup> Ye n kua wǎkuru, yera Yinni Gusunɔ u Natani sǎɔwa kǎsiru sǎɔ u nεε,

<sup>4</sup> a doo a nεn sɔm kowo Dafidi sǎ a nεε, nε, Yinni Gusunɔ na nùn sǎɔmɔ ma n n wi u koo man diru bania mi na ko n wǎa.

<sup>5</sup> Domi na n sinare diru garu sǎɔ saa mìn di na ka Isireliba yarama Egibitin di sere n ka kua gisɔ. Adama na ra n wǎawa kuu bekurugirɔ kpa ba n ka man bɔsu.

<sup>6</sup> Baama mi sa da nε ka Isireliba, na ra kparobu gɔsiwa ba n be ba tie kpare. Adama na n ben goo taare wεere n nεε, mban sǎna u n man diru banie ka dǎa ye ba mɔ sɛduru.

<sup>7</sup> Yen sǎ, a doo a Dafidi nεn sɔm kowo sǎ a nεε, nε, Gusunɔ wǎllu ka tem Yinni, na nεε, yǎa kparabun diya na nùn wunama u n ka sǎa nεn tǎmbu Isireliban kparo.

<sup>8</sup> Na wǎa ka wi, baama kpuro mi u da. Mεya na nùn win yiberεba dera. Ma na dera u yǎsiru yara nge tǎn boko dunia sǎɔ.

<sup>9</sup> Na nεn tǎmbu Isireliba ayeru kua na bu sinasia ba n ka wǎa mi ka bəri yendu, kpa tǎn kǎsobu bu ku raa maa se bu bu nɔni sǎ

<sup>10</sup> nge mε ba bu kua yellu kparobun waati sǎɔ. Na win yiberεba kpuro sekuru doke. Nε, Yinni Gusunɔwa na nùn sǎɔmɔ ma kon nùn ko bwese bakarun nuuru.

<sup>11</sup> Win saa yǎ n tura u gu, ba nùn sika win baababan sikaɔ, kon win bii turo wuna u bandu di, kpa n ban ten dam sire.

<sup>12</sup> Bii wiya u koo man diru bania, kpa n win sina

gɔna swĩi ya n dam mɔ sere ka baadommaɔ.

<sup>13</sup> Na kon sãa nge win tundo, kpa u n maa sãa nge nen bii. Na ñ nùn nen durom wunarimɔ nge me na mu sunɔ wi u nùn gbiiye wunari.

<sup>14</sup> Kon nùn ko nen tɔmbun sunɔ, kpa n win ban ten dam sire sere ka baadommaɔ.

<sup>15</sup> Ye Natani u gari yi kpuro nua u kpa, yera u da u yi Dafidi sɔɔwa nge me Yinni Gusunɔ u nùn sɔɔsi kãsi te sɔɔ.

*Dafidi u kanaru kua*

*(I maa mɛrio Samueli II, 7:18-29)*

<sup>16</sup> Ma Dafidi u seewa u da Yinni Gusunɔn sãa yerɔ. U gerua u nɛɛ, Yinni Gusunɔ, na yẽ ma na ñ sãa gãanu. Nen bwesera kun maa gãanu tura. Ka me, a man kua sunɔ Yerusalemu mini.

<sup>17</sup> Ma a ye garisi gãa piiminu wunen mi. Domi a kparam gerumɔ nge me nen bweseru ta ko n sãa sia. Ma wunɛ wi a kpã, a man ye sɔɔmɔ nɛ wi na sãa tɔn diro.

<sup>18</sup> Mba kon maa gere bɛɛɛ ye a man doke min sɔ. Domi a man yẽ kɔ.

<sup>19</sup> Yinni Gusunɔ, wunen gari ka maa wunen gɔrun kĩrun saabuwa a ka man gãa baka nini kpuro kua. Ma a man nu sɔɔsi.

<sup>20</sup> Gãanu kpuro ye sa nua a kua, ya sɔɔsi ma a kpã. Goo sari wi u sãa nge wunɛ. Wunɛ turowa a sãa Gusunɔ.

<sup>21</sup> Bweseru garu maa sari nge bɛɛ Isireliba te ta koo nɛɛ, ten bũu u tu yakiamama yorun di, ma u tu yĩsiru kã ta n ka sãa wigiru. Ka geema, gãa bakana a sun kua. A maa gãa maamaakiginu kua bɛɛn wuswaɔɔ ye a ka bwese tukunu gira bɛɛn

wuswaan di, ma a sun yakiamā Egibitigibun min di.

<sup>22</sup> A wunen tumbu Isireliba swīi ba n ka sãa wunεgibu mam mam sere ka baadommao. Ma wunε Gusunō, a kua ben Yinni.

<sup>23</sup> N n mēn na, gari yi a gerua nε ka nēn bweserun sō a de yi koorā sere ka baadommao.

<sup>24</sup> A de wunen yīsiru tu wolle suara sere ka baadommao. Kpa bu nεε, wunε Gusunō wollu ka tem Yinniwa a sãa Isireliban Yinni. Kpa a de nēn bwese kera ya n bandu dii wunen wuswaa.

<sup>25</sup> Yinni Gusunō, wunen tiwa a man sōwa a nεε, kaa de nēn bibun bweseru tu bandu di nēn biru. Yen sōna na ka kaka na kana teni mō.

<sup>26</sup> Yinni, wuna a sãa Gusunō. Wuna a maa nε wunen sām kowo durom mēnin nōo mwεεru kua.

<sup>27</sup> N n mēn na, a nēn bweseru domaru kuo, kpa ta n bandu dii sere ka baadommao wunen wuswaa. Ye a domaru kua, ya ko n maa domaru mōwa sere ka baadommao.

*Dafidi u bwese tukunu kamia  
(I maa mεrio Samueli II, 8:1-14)*

## 18

<sup>1</sup> Yeniban biru, Dafidi u Filisitiba kamia, u bu sekuru doke. Ma u Gati ka yen baru kpaanu mwa.

<sup>2</sup> Ma u Mōabuba kamia ba kua win yobu. Ma ba nūn wōo gobi kōsiamō.

<sup>3</sup> Yen biru u Hadadesεε, Soban sina boko kamia Hamatin bera gia, sanam mε wi, Hadadesεε u dōo u win tem yasia daa te ba mō Efaratiō.

<sup>4</sup> Ma Dafidi u nūn tabu kεkε nārōbu (1.000) mwaari ye dumi gawe, ka maasōbu nārōbun suba nōoba yiru (7.000), ka naanaakobu nārōbun suba



yendu (20.000). Ma u ben dumi kpuron naa sīnu bōra ma n kun mō wunōbu (100) yi u tii deria.

<sup>5</sup> Sirigii be ba wāa Damasiō ba na bu ka Hadadesεε, Soban sina boko somi. Ma Dafidi u ben tōmbu nōrōbun suba yenda yiru (22.000) go.

<sup>6</sup> Ma u bu kparobu yīiya. Ma Sirigii be, ba kua win yobu, ba nūn wōō gobi kōsiamō. Yinni Gusunō u ra n Dafidi kōsuwa baama kpuro mi u da.

<sup>7</sup> Ma u Hadadesεεn sōm kowobun tεrεnu mwεεra ni ba kua ka wura. Ma u ka nu na Yerusalemuō.

<sup>8</sup> U maa sii gandu gurama ta kpā Tibusati ka Kunun di. Wusu yiru ye, ya sāawa Hadadesεεgisu. Sii gan teya Salomō u ka boo kua ka gen yōratii ka maa sāa yerun dendi yānu.

<sup>9</sup> Ye Tohu, Hamatin sina boko u nua ma Dafidi u Hadadesεε, Soban sina boko ka win tabu kowobu kamia,

<sup>10</sup> yera u win bii Hadoramu gōra Dafidin mi u nūn tōbiri kpa u nūn siara yēn sō u Hadadesεε tabu wōri u kamia. Domi Tohu u raa ka Hadadesεε tabu mōwa. Ma u Dafidi gbēa mōrisia bwese bweseka ye ba kua ka wura ka sii geesu ka maa sii gandu.

<sup>11</sup> Ma Dafidi u ye kpuro yi Yinni Gusunōn sō, ka maa sii geesu, ka wura ye u mwεεra bwese tuku ninin min di. Niya, Edōmuba ka Mōabuba ka Amōniba ka Filisitiba ka sere Amalekiba.

<sup>12</sup> Abisai, Seruyan bii, u Edōmuba kamia wōwāō ye ba mō Bōru. Ma u ben nōrōbun suba yendu yiru sari (18.000) go.

<sup>13</sup> Ma u kparobu yi yi Edōmu mi. Ma Edōmu be kpuro ba kua Dafidin yobu. Yinni Gusunō u ra n Dafidi kōsuwa baama kpuro mi u da.

*Dafidin sɔm kowobun yĩsa  
(I maa mɛerio Samuɛli II, 8:15-18)*

<sup>14</sup> Dafidi u bandu di Isireliba kpuro sɔɔ. Ma u gea mɔ̀, u bu siriammɛ dee dee.

<sup>15</sup> Yoabu, Seruyan biiwa u tabu kowobu kpare. Ma Yosafati, Ahiludun bii u sãa tirenun bero.

<sup>16</sup> Sadɔku, Akitubun bii, ka Abimɛlɛki, Abiataan biiwa ba sãa yãku kowobu. Ma Safusa u sãa tire yoro.

<sup>17</sup> Benaya, Yehoyadan biiwa u sãa Keretiba ka Peletiban kparo. Ma Dafidin bibu ba sãa win gerunasibu.

*Ba Dafidin sina asakpɔbu*

*sekuru doke  
(I maa mɛerio Samuɛli II, 10:1-5)*

## 19

<sup>1</sup> Yeniban biru Nakasi, Amɔniban sina boko u gu. Ma win bii u bandu kɔsire kua.

<sup>2</sup> Ma Dafidi u nɛɛ, kon Hanuni, Nakasin bii wi tɔn geeru kua. Domi mɛya win tundo u man kua. Yera Dafidi u sɔmɔbu gɔra bu nùn nukuru yemiasia win tondon gɔɔn sɔ. Ye Dafidin sɔmɔ be, ba tura Hanuni win mi, Amɔniban temɔ bu ka nùn nukuru yemiasia,

<sup>3</sup> yera Amɔniban wirugibu ba Hanuni sɔɔwa ba nɛɛ, a tamaa Dafidi u ka wunɛn tundo bɛɛɛ wɛn sɔna u sɔmɔbu gɔrima bu nun nukuru yemiasia? A n̄ yɛ bu ka wuu ge bukiana bu gen saria gia kpa bu gu wɔrima bu kam koosian sɔna sɔmɔ beni ba na wunɛn mi?

<sup>4</sup> Yera Hanuni u Dafidin sɔmɔ be mwa u ben toba kɔna ma u ben yabenu karana saa suunun di sere taanɔ. Ma u bu yɔsu ba doona.

<sup>5</sup> Ye Dafidi u nua ye n tɔn be deema ma u wa ba wãa seku bakaru sɔɔ, yera u gabu gɔra bu ka bu yinna kpa bu bu sɔ bu gina doo bu sina Yerikoɔ sere ben toba ye, yà n kpia bu sere wurama.

### *Dafidi u ka Amɔniba*

#### *ka Sirigibu tabu kua*

*(I maa mɛrio Samuɛli II, 10:6-19)*

<sup>6</sup> Ye Amɔni be, ba wa ma ba Dafidin mɔru seeyawa, yera Hanuni ka Amɔni be, ba sii geesun gobi nɔrɔbu (1.000) mɔrisia Sirigibun mi be ba wãa Mesopotamiɔ ka Maakaɔ ka sere Sobaɔ bu ka bu tabu kekeba ka maasɔbu wɛɛma.

<sup>7</sup> Ma ba bu tabu keke nɔrɔbun suba tena ka yiru (32.000) wɛɛma, ka maa Maakan sunɔ ka win tabu kowobu. Ma ba na ba ben sansani gira Medebaɔ. Ma Amɔniba ba maa yarima ben wusun di ba mɛnna ka tabun sɔru.

<sup>8</sup> Ye Dafidi u nua mɛ, yera u bu Yoabu ka win tabu kowo damgibu sure.

<sup>9</sup> Ma Amɔniba ba yarima ba wãa wuun duu yera. Sinam be ba maa bu somiru na, ma ba da ba yɔra nɛnɛnka.

<sup>10</sup> Ma Yoabu u deema u koo tabu kowa biruɔ ka wuswaaɔ. Ma u Isireliban tabu kowo damgibu sɔɔ tabu kowo wuuru sua u Sirigibu kpare.

<sup>11</sup> Ma u maa win wɔnɔ Abisai tabu kowo be ba tie wɛ bu ka Amɔniba wɔri.

<sup>12</sup> Ma u nɛɛ, Sirigibu bà n man kamiamɔ, a man somiru na. Amɔniba bà n maa nun kamiamɔ, kon nun somiru na.

<sup>13</sup> A de a n wərugəru mə, kpa su taa bi ko ka wərugəru bəsen təmbun sō ka maa Gusunə bəsen Yinnin wusun sō. Kpa Yinni Gusunə u ko ye n ko n nūn wēre.

<sup>14</sup> Ma Yoabu ka win təmbu ba Sirigibu tabu wəri. Ma Sirigii be, ba duki sua Yoabun wuswaan di.

<sup>15</sup> Ye Aməniba ba wa ma Sirigibu ba duki sua, yera ben tii ba maa duki yarina Abisai, Yoabun wənən wuswaan di ba dua wuuə. Ma Yoabu u gəsirama Yerusalemuə.

<sup>16</sup> Ye Sirigibu ba wa ma Isireliba ba bu kamiawa, yera ba səməbu gəra bu Sirigii be ba wāa daarun guru giə sokuma. Sofaki, Hadadesēen tabu kowobun wirugii u bu gbiiye.

<sup>17</sup> Ma ba ye Dafidi nəsia. Yera u Isireliban tabu kowobu kpuro menna, u ka bu Yuudeni təbura, ma ba sīa ba da Sirigii ben bera gia ba bu tabu wəri ba kamia. Ma Sirigii be, ba duki sua Isireliban wuswaan di.

<sup>18</sup> Dafidi u ben tabu keke be dumi gawe nərəbun suba nəba yiru (7.000) kəsuka ka be ba wāa be səə, ka naanaakobu nərəbun suba weeru (40.000), ka sere maa ben tabu sunə Sofaki.

<sup>19</sup> Ye Hadadesēen səm kowobu ba wa ma Isireliba ba bu kamiawa, yera ba ka Dafidi nəə tia kua ba nūn tii wē. Saa dəma ten di, Sirigibu ba ku ra maa kā bu Aməniba somiru da.

*Yoabu u Raba tabu wəri*

*u mwa*

*(I maa mērio Samueli II, 11:1; 12:26-31)*

## 20

<sup>1</sup> Wōə kpəən saa yè səə sinambu ba ra tabu yari, yera Yoabu ka win tabu kowo dangii be u kpare ba

da ba Amōniban tem wōri ba kōsuka. Ma ba Raba tarusi ba mwa. N deema saa ye sōō, Dafidi u wāawa win yenuō Yerusalemuō.

<sup>2</sup> Yen biruwa Dafidi u wuu gen sunōn furō wuraguu mwa. Gen bunum mu sāawa kilo tēna ka nne. Ma ba gu kpee gobiginu gore. Ma ba gu sua ba Dafidi dokea wirō. Yen dōma te, dukia baka Dafidi u gura wuu gen min di u ka doona.

<sup>3</sup> Ma u gen tōmbu yoo sōma koosia. Ben gaba dāa bōōrimō ka sii, gabu ka gbēē, gaba kpenu dākumō, ma gaba tem gbemō ka dākunu. Nge mēya u maa Amōniban wusu kpuron tōmbu yoo sōma koosia. Yen biru, Dafidi u gōsirama Yerusalemuō ka win tabu kowobu.

*Ba Filisitiba kamia*  
(*I maa mērio Samuēli II, 21:18-22*)

<sup>4</sup> Yeniban biru Isireliba ba ka Filisitiba tabu kua Gesēēō. Saa ye sōōra Sibekai, Husagii u Sipai, Rafan bweserun turo go. Ma u Filisiti be sekuru doke.

<sup>5</sup> Yen biru tabu maa seewa Isireliba ka Filisitiban suunu sōō. Yera Elikanani Yairin bii, u Lasimi, Goliati, Gatigiin wōnō go. Lasimi win yaasan buru ta bōōruwa nge weson beku tēketiru.

<sup>6</sup> Isireliba ba maa ka Filisitiba tabu kua Gati mi. Miya tabu kowo goo wāa u gunu too. Niki binu nōōba tia tiawa u mō nōmaō ka naasō. Ma ni kpuro nu kua yenda nne. Win tii u sāawa Rafan bweserugii.

<sup>7</sup> U Isireliba nōō kuura, ma Yonatam, Dafidin mōō, Simean bii, u nūn go.

<sup>8</sup> Tōn be kpuro ba sāawa Rafan bweseru. Dafidi ka win tabu kowoba ba bu go Gatiō.

*Dafidi u dera ba Isireliba gara  
(I maa mεerio Samuēli II, 24:1-9)*

## 21

<sup>1</sup> Sōo teeru Setam u Isireliba seesi, ma u Dafidi bōrie u ka bu gari.

<sup>2</sup> Ma Dafidi u Yoabu ka tabu kowobun wirugii be ba tie sōowa u nεε, bu doo bu Isireliba gari saa ben tem sōo yēsān nām geu gian di sere mεn sōo yēsān nām dwarō, kpa bu na bu nūn gāra tusia. Nge mēya u koo ka ben geeru gia.

<sup>3</sup> Yoabu u wisa u nεε, Yinni Gusunō u de win tōmbu bu dabia wunōm wunōm subenu. Nεn yinni sina boko, tōn beni kpurowa ba sāa wunen sām kowobu. Mban sōna a maa yeni bikiamō. Mban sōna kaa bu torasia.

<sup>4</sup> Adama sina boko u yārariwa win wooda ye sōo dim dim, ye u Yoabu wē mi. Ma Yoabu u da u Isireliban tem kpuro bukiana. Ma u wurama Yerusalemuō.

<sup>5</sup> U Dafidi gari gari yi tusia. Isireli be ba koo kpī bu tabu ko, ben geera sāawa yako tia ka tōmbu nōrōbun suba wunōbu (1.100.000). Yudaban geera sāawa nōrōbun suba nεeru ka wata ka wōkuru (470.000).

<sup>6</sup> Yoabu u n Lefin bwese keragibu ka Benyamεen bwese keragibu gara. Domi sina bokon wooda ye, ya n ka nūn naawε.

*Yinni Gusunō u Dafidi*

*taarε wē*

*(I maa mεerio Samuēli II, 24:10-17)*

<sup>7</sup> Dafidin wooda ye, ya n Yinni Gusunō dore. Ma u Isireliba sēyasia.

<sup>8</sup> Ma Dafidi u Yinni Gusunɔ sɔɔwa u nɛɛ, ye na kua mi, tora bakara. A de a nɛ wunɛn sɔm kowo suuru kua, domi wiira kookoosa na kua mi.

<sup>9</sup> Ma Yinni Gusunɔ u win sɔmɔ Gadi sɔɔwa u nɛɛ,

<sup>10</sup> a doo a Dafidi sɔ a nɛɛ, amɛniwa nɛ, Yinni Gusunɔ na gerua. Na nɛɛ, wee, na nùn nɔni swāanu ita yiye. U gɔsio te u kī n ka nùn sɛɛyasia.

<sup>11</sup> Yera Gadi u da Dafidin mi, ma u nùn sɔɔwa u nɛɛ, amɛniwa Yinni Gusunɔ u gerua.

<sup>12</sup> U nɛɛ, gɔɔru tu wunɛn tem wɔri wɔɔ ita, n̄ kun mɛ wunɛn yibɛɛba bu ka nun tabu ko suru ita bu kamia, n̄ kun mɛ Yinni Gusunɔ u de gɔɔn gɔrado u kɛsi kɛsi bararu pusi Isireliban tem kpuro sɔɔ u mu kpeerasia. Nɔni swāanu ita ye sɔɔ, a gɔsio ye a kī kpa n da n ye Yinni Gusunɔ sɔ, wi u man gɔrima.

<sup>13</sup> Dafidi u Gadi wisa u nɛɛ, na wāa nuku sankira bakanu sɔɔ. Adama n buram bo n wɔri Yinni Gusunɔn nɔmuɔ ye kon ka wɔri tɔmbun nɔmaɔ. Domi win wɔnwɔnda kpā.

<sup>14</sup> Ma Yinni Gusunɔ u kɛsi kɛsi bararu sure Isireliba sɔɔ. Ma tɔmbu nɔrɔbun suba wata ka wɔkuru (70.000) ba gu.

<sup>15</sup> Yinni Gusunɔ u win gɔrado gɔra Yerusalemɔ u ye kpeerasia. Sanam mɛ gɔrado wi, u ye kpeeriasiamɔ, Yinni Gusunɔ u mɛera, ma u gɔru gɔsia kɔsa yen di. Ma u win gɔrado wi u wuu ge kpeeriasiamɔ mi, sɔɔwa u nɛɛ, n den tura mɛ, a wunɛn nɔmu wunɔ.

N deema gɔrado wi, u wāawa Ɔnani, Yebusin doo soo yerɔ.

<sup>16</sup> Dafidi u nɔni seeya u gɔrado wi wa u wāa wɔllu ka tem baa sɔɔ, u win takobi sue Yerusalemun bera gia. Yera Dafidi ka win tɔmbun guro gurobu ba

saaki dewa ma ba yiira ba wuswaa tem girari nuku sankiranun s̄.

<sup>17</sup> Yera Dafidi u Yinni Gusun̄ s̄owa u n̄e, n̄ena na wooda w̄e bu t̄an be gari. N n̄ men na, n̄ena na tora. T̄an beni ba ñ ḡānu kue. Yen s̄, a n̄e ka n̄en ȳenugibu n̄oma dokeo kpa a wun̄en t̄ambu Isireliba deri.

*Dafidi u Yinni Gusun̄*

*ȳaku yeru bania*

*(I maa m̄erio Samuēli II, 24:18-25)*

<sup>18</sup> Yinni Gusun̄an ḡrado u Gadi s̄owa u n̄e, a Dafidi s̄ow̄a a n̄e, u doo Ɔ̄nani, Yebusin doo soo yeru mi, u Yinni Gusun̄ ȳaku yeru bania.

<sup>19</sup> Ma Dafidi u seewa u da nge m̄e Yinni Gusun̄ u Gadi s̄owa.

<sup>20</sup> N deema Ɔ̄nani u w̄ā win doo soo yer̄a ka win bibu n̄ne ba alikama soom̄. Ye u s̄ira yera u Gusun̄an ḡrado wa ma ba da ba kukua.

<sup>21</sup> Ma Dafidi u da Ɔ̄nanin mi. Ye Ɔ̄nani u Dafidi wa, yera u yarima doo soo yee ten min di u yiira win wuswaā u siriru tem girari.

<sup>22</sup> Ma Dafidi u n̄un s̄owa u n̄e, a man wun̄en doo soo yee te derio n̄ Yinni Gusun̄ ȳaku yeru bania mi. Kpa wahala ye ya n̄en t̄ambu deema mi, yu kpe. Kon tu dwe ka sii geesun gobi nge m̄e kaa ten gobin geeru bure.

<sup>23</sup> Ma u Dafidi s̄owa u n̄e, n̄en yinni sina boko, a tu suo a ka ko ye a k̄i. Ket̄eba wee, a ka ȳaku d̄ō mwaararugiru ko. Naa kekeba wee yi ko ȳaku d̄ā. Alikama wee a ka k̄erun ȳakuru ko. Ye kpuro na nun k̄āwa.

<sup>24</sup> Ma Dafidi sina boko u n̄un wisa u n̄e, aawo, kon tu dwewa nge m̄e kaa ten gobin geeru bura. Na



̀n Yinni Gusunɔ ɡãanu wẽemɔ ni nu sãa wunɛginu n ka ǹn yãku d̄ɔɔ mwaararugiru kua te ta ̀n man ɡãanu diiri.

<sup>25</sup> Ma Dafidi u ǹn wuran gobi nata (600) wẽ yam min s̄ɔ.

<sup>26</sup> Dafidi u Yinni Gusunɔ yãku yeru bania mi. Ma u yãku d̄ɔɔ mwaararuginu ka siarabun yãkunu kua. Yen biru u Yinni Gusunɔ kana. Ma Yinni Gusunɔ u win kanaru mwa, u dera d̄ɔɔ u sarama wəllun di yãku yeru wəllu mi, u yãku ni mwa.

<sup>27</sup> Yinni Gusunɔ u ka win ɡarado wi gari kua, ma u win takobi wesia yen kararɔ.

<sup>28</sup> Saa yera Dafidi u tuba ma Yinni Gusunɔ u win kanaru mwa Ɔɔnani Yebusin doo soo yeru mi. Saa d̄ɔma ten diya u ra ǹn yãkuru kue mi.

<sup>29</sup> Saa ye s̄ɔɔ, Yinni Gusunɔn kuu bekurugii te M̄wisi u kua ɡbaburɔ, ta wãawa Gabaonin gungurɔ ka yãku yeru sannu mi ba ra yãku d̄ɔɔ mwaararuginu ko.

<sup>30</sup> Dafidi kun kp̄ɛ u da kuu bekurugii ten mi, u ka bikiaru ko Yinni Gusunɔn mi, yèn s̄ɔ berum ǹn mwa ɡarado win s̄ɔ.

## 22

<sup>1</sup> Ma Dafidi u n̄ɛɛ, yam miniwa ba koo Yinni Gusunɔn sãa yeru bani. Miya yãku yera ko n maa wãa mi Isireliba ba ko n da yãku d̄ɔɔ mwaararuginu ko.

### *Dafidi u Yinni Gusunɔn*

#### *sãa yerun s̄ɔɔru m̄ɔ*

<sup>2</sup> Dafidi u dera ba s̄ɔbu kpuro m̄enna be ba wãa Isireliɔ. Ma u bu yiire bu kpee bakanu d̄ãku bu ka Yinni Gusunɔn sãa yeru bani.

<sup>3</sup> U maa sisu sɔɔru kua siki siki bu ka kulumba seku gamboban kadiriban sɔ ka maa sɔretii. Sii gan te u menna, ta kpã sere n ñ koorɔ bu tu yĩire.

<sup>4</sup> Meya u maa dãa gea ye ba mɔ sɛduruba menna siki siki sere ba ñ kpɛ bu ye gari. Sidonigibu ka Tirigiba ba ka nùn ye naawa.

<sup>5</sup> Domi Dafidi u tii sɔɔwa u nɛɛ, win bii Salomɔɔ u sãawa bii piibu. U ñ gina bwisi mɔ. Wee sãa yee te ba koo Yinni Gusunɔ bania mi, ta ko n yĩsiru yarawa tem kpuro sɔɔ ten giriman kpãarun sɔ. Yen sãna u kĩ u nùn ten sɔɔru kua. Ma Dafidi u sɔɔru dabinu kua u sere gu.

*Dafidi u Salomɔɔ yiire*

*u Yinni Gusunɔn sãa yee te*

*bani*

<sup>6</sup> Dafidi u win bii Salomɔɔ soka ma u nùn yiire u nɛɛ, a Gusunɔ Isireliban Yinni sãa yeru bania.

<sup>7</sup> Nɛn bii, nɛn tiiwa na raa gɔru doke n nùn tu bania.

<sup>8</sup> Adama u man sɔɔwa u nɛɛ, na tɔmbun yem yari too win wuswaaɔ taa baka bi ña kuan sɔ. Yen sɔ n ñ nɛ kon nùn sãa yeru bania mi ba ko n ñ ñ sã.

<sup>9</sup> Adama kon bii ma. Bii wi, u ko n wãawa bɔri yendu sɔɔ. U koo maa nùn wɔra win yiberɛ be ba ka nùn sikerenɛn nɔman di. Ba koo nùn sokuwa Salomɔɔ. Yen tubusiana bɔri yendu. Domi win bandun saa sɔɔ, u koo de Isireliba ba n wãa bɔri yendu sɔɔ.

<sup>10</sup> Wiya u koo nùn sãa yeru bania. U ko n sãawa win bii, kpa wi, u n maa sãa win tundo. Kpa u win bandun dam sire Isireliban suunu sɔɔ sere ka baadomɔɔ.

11 Tē, nɛn bii, Gusunɔ wunen Yinni u ko n ka nun wāa. Kpa wunen wāaru tu dakaa da. Kpa a kpī a nùn sāa yee te bania nge mɛ u nun yiire.

12 U de a n bwisi ka yēru mɔ sanam mɛ u koo de a bandu di Isireliba sɔɔ, kpa a win woodaba mem nɔɔwa.

13 À n Yinni Gusunɔn wooda ka win yiirebu mem nɔɔwa bi u Mɔwisi wē Isireliban sɔ, saa yera ye a m̀ kpuro ya koo nun kooraa. A n gesi dam ka wərugəru mɔ. A ku nanda, a ku maa bɛrum ko.

14 Wee na kookari kua na wura sɔɔru kua ya tɔnnu nɔrɔbun suba ita (3.000) kere Yinni Gusunɔn sāa yee ten sɔ. Ma na sii geesu sɔɔru kua su tɔnnu nɔrɔbun suba tɛna (30.000) kere. Na sii gandu ka sii wākusu sɔɔru kua siki siki sere ba n̄ kpē bu su yiire. Mɛya na maa dāa ka kpenu sɔɔru kua. Adama wunen tii kaa kpī a maa sosi mi sɔɔ.

15 Sɔm kowoba ko n wāa wunen bɔkuɔ dabi dabinu. Bera be ba ra kpenu dāku ka be ba ra dāa dāku ka sere be ba sɔm b̄wese bwesekan kobu yē.

16 Wee a wura ka sii geesu ka sii gandu ka sii wākusu mɔ su n̄ geeru mɔ. Tē, a seewo, kpa a sɔmbu te ko. Kpa Yinni Gusunɔ u n ka nun wāa.

17 Yen biru Dafidi u Isireliban guro gurobu kpuro yiire bu win bii Salomɔɔ somi sɔmbu te sɔɔ.

18 U maa bu sɔɔwa u nɛɛ, Gusunɔ bɛɛn Yinni u wāa ka bɛɛ. Wiya u dera i wāa b̄ri yendu sɔɔ beri berika. Dɔmi u man tem mɛ nɔmu b̄ria. Ma mu kua wi ka win tɔmbugim.

19 Tē i Gusunɔ bɛɛn Yinni kasuo ka bɛɛn ḡru kpuro ka bɛɛn bwēra kpuro. I seewo i win sāa yeru bani, kpa i ka win woodan kpakororu ka win s̄aarun dendi yānu kpuro da mi.

## 23

*Dafidi u dera ba Lefiba gara*

<sup>1</sup> Ye Dafidi u təkə kua, yera u win bii Saloməə kua Isireliban sunə.

<sup>2</sup> Ma u Isireliban guro gurobu ka yāku kowobu ka Lefiba mənna.

<sup>3</sup> Ma ba Lefiba gara tia tia be ba wəə tənə mə, ka be ba kere mε. Ma ben geera kua nərəbun suba tənə ka nəəba ita (38.000).

<sup>4</sup> Ma Dafidi u təmbu nərəbun suba yənda nne (24.000) gəsa be səə, be ba ko n da Yinni Gusunən sāa yee ten bana nənī doke, ka təmbu nərəbun suba nəəba tia (6.000) be ba koo təmbu kpara, kpa ba n da bu sirie.

<sup>5</sup> U maa təmbu nərəbun suba nne (4.000) gəsa be ba tie səə, ba n da sāa yee ten kənnəsə kəsu, kpa təmbu nərəbun suba nne (4.000) be ba tie ba n da Yinni Gusunə təmε ka dwee yāa ni wi, Dafidi u dera ba kua bu ka Yinni Gusunə siara.

<sup>6</sup> Ma u bu bənu kua wuu wuuka nge mε ba ka wāa Gεεsəni ka Kehati ka Mεrari, Lefin bibun bwese keri səə.

<sup>7</sup> Gεεsənin biba Ladani ka Simēi.

<sup>8</sup> Bibu itawa Ladani u mara. Bera Yehieli ka Setamu ka Yoeli. Yehieliwa u sāa ben gbiikoo.

<sup>9</sup> Bibu itawa Simēi u mara. Bera Selomiti ka Hasieli ka Harani. Bera ba sāa Ladanin bwese keran wirugibu.

<sup>10</sup> Simēi u maa bibu nne gabu mara. Bera Yasati ka Sina ka Yeusi ka Beria.

<sup>11</sup> Yasatiwa u sāa ben gbiikoo. Ma Sina u sāa yiruse. Yeusi ka Beria ba n bibu mara n dabi. Ma ba bu garisi bwese keri tia.

12 Bibu nnɛwa Kehati u mara. Bera Amuramu ka Yisehari ka Heboroni ka Usieli.

13 Amuramun biba Aroni ka Mɔwisi. Ma ba Aroni ka win bibun bweseru gɔsa ba yi nɛnɛm sere ka baadommaɔ ba n da ka Yinni Gusunɔ turare dɔɔ dokeye, kpa ba n da maa sɔarun sɔmburu ko, kpa ba n da maa tɔmbu domaru kue ka Yinni Gusunɔn yĩsiru.

14 Adama ba Mɔwisi Gusunɔn sɔm kowon bibu garisɔwa Lefin bwese kɛra sɔɔ.

15 Mɔwisin biba, Gɛɛsɔmu ka Eliesɛɛ.

16 Gɛɛsɔmun bii gbiikoowa Sebueli.

17 Eliesɛɛn biiwa Rehabia. Bii turo win biru u n̄ maa goo mara. Adama Rehabia u bibu mara ba dabi.

18 Yiseharin bii gbiikoowa Selomiti.

19 Bibu nnɛwa Heboroni u mara. Bera Yeriya ka Amaria ka Yasieli ka Yekameɛamu.

20 Bibu yiruwɔ Usieli u mara. Bera Misee ka Yisiya.

21 Mɛrarin biba Makili ka Musi. Makilin biba maa Eleasaa ka Kisi.

22 Eleasaa u n̄ bii tɔn durɔbu mara u ka gu. Bii tɔn kurɔba u mara. Bera ben mɛro bisibu Kisin bibu ba sua kurɔbu.

23 Bibu itawa Musi u mara. Bera Makili ka Edɛɛ ka Yeremati.

24 Be ba sɔa ben yɛnun wirugibu Lefin bibun bweseru sɔɔ nge mɛ ba ka bu tireru doke tia tia, bera mi. Bera ba ko n da sɔmburu ko Yinni Gusunɔn sɔa yerɔ saa be ba wɔɔ yendu mɔn di n ka da be ba mɛ kere.

25 Domi Dafidi u raa nɛɛ, Gusunɔ Isireliban Yinni u win tɔmbu bɔri yendu wɛ. Yen biru u ko n wɔawa Yerusalemɔ sere ka baadommaɔ.

<sup>26</sup> Saa ye sɔɔ, Lefiba ba ñ maa Yinni Gusunɔn kuu bekurugiru ka ten dendi yānu sɔɔmɔ.

<sup>27</sup> Dafidin yiire dāaki bin biruwa ba Lefiba gara saa be ba wɔɔ yɛndu mɔn di n ka girari be ba kere mɛ.

<sup>28</sup> Ba bu dokewa Aronin bibun bweserun wuuru sɔɔ bu ka sɔmburu ko Yinni Gusunɔn s̄aa yerun yaaraɔ ka ten dii sɔsɔ. Bera ba ko n da s̄aa yee ten dendi yānu kpuro dɛɛrasie kpa bu maa s̄ama gaa ko mi.

<sup>29</sup> Bera ba ko n da p̄ɛɛ ye ba ko n da Yinni Gusunɔ yiiye ko, ka sere maa som mɛ ba ko n da ka k̄ɛnun yākunu ko, ka p̄ɛɛ ye ba ku ra seeyatia doke, ka p̄ɛɛ ye ba ra w̄ɔ p̄ɛrɛnti sɔɔ, ka kira ni ba ra s̄amɛ. Beya ba ko n da yeba kpuron kp̄aaruru ka yen d̄ɛɛbun saria m̄ɛɛri.

<sup>30</sup> Ba ko n da n̄ewa s̄aa yeru mi bururu ka yoka bu ka Yinni Gusunɔ t̄oma, kpa bu n̄un b̄ɛɛrɛ w̄ɛ.

<sup>31</sup> M̄ɛya ba ko n da maa n̄un yāku d̄ɔɔ m̄waararuginu kue baadomma t̄ɔɔ w̄ɛrarugiru sɔɔ, ka suru kpao ù n yara, ka t̄ɔɔ baka ni nu tia sɔɔ nge mɛ nin gera nɛ ka nge mɛ ba nin wooda yi.

<sup>32</sup> Bera ba ko n da Yinni Gusunɔn kuu bekurugirun sɔmburu ko, kpa Aronin bibun bweseru tu maa win s̄aa yerun sɔmburu ko.

## 24

### *Yāku kowobun wuunu*

<sup>1</sup> Ba Aronin bibun bweseru b̄onu kua wuuru ka wuuru. Bibu n̄ewa Aroni wi, u mara. Bera Nadabu ka Abihu ka Eleasaa ka Itamaa.

<sup>2</sup> Nadabu ka Abihu ba gbia ba guwa ben tundo u sere gu. Be, ba ñ bibu mara. Eleasaa ka Itamaa, be t̄nawa ba yāku s̄ama kua.

<sup>3</sup> Dafidi u Aronin bibun bweseru bõnu kuawa nge mε ben baawuren sɔmbura sãa. Sadaku u wãawa Eleasaan bibun bweseru sɔɔ. Ma Akimεlεki u maa wãa Itamaan bibun bweseru sɔɔ.

<sup>4</sup> N deema tamba dabiru bo Eleasaan bibun bweseru sɔɔ n kere Itamaan bibugiru sɔɔ. Yen sõna ba Eleasaan bibun bweseru bõnu kua wuuru wɔkura nɔɔbu ka tia, nin baatere ka ten wirugii. Ma ba maa Itamaan bibugiru bõnu kua wuuru nɔɔba ita, nin baatere ka ten wirugii.

<sup>5</sup> Ba bu bõnu kuawa ka tεtε. Domi be ba sãa sãa yerun wirugibu ka Yinni Gusunɔn sãarun wirugibu, be kpuro ba sãawa Eleasaa ka Itamaan bibun bweseru.

<sup>6</sup> Tire yoro Semaya, Netanεlin bii, Lefin bwese kera sɔɔ, wiya u ben yĩsa tireru doke sina boko ka wirugibu ka yãku kowo Sadaku ka Akimεlεki, Abiataan bii ka yãku kowobun wirugibu ka Lefiban wirugibun wuswaaɔ. Ba Eleasaa ka Itamaan bibun bwese nin yĩsa tireru dokewa ka tεtε. Ba ra gina Eleasaagibu gɔsiwa, yen biru kpa bu maa Itamaagibu gɔsi.

<sup>7-18</sup> Wuuru ka wuurun wirugii be ba gɔsa ka tεtε, ben yĩsa wee.

Yehoyaribuwa u sãa gbiikoo.

Ma Yedaya u sãa yiruse.

Ma Harimu u sãa itase.

Ma Seorimu u sãa nnεse.

Ma Maakiya u sãa nɔɔbuse.

Ma Miyamini u sãa nɔɔba tiase.

Ma Hakɔtu u sãa nɔɔba yiruse.

Ma Abiya u sãa nɔɔba itase.

Ma Yosue u sãa nɔɔba nnεse.

Ma Sekania u sãa wɔkuruse.

Ma Eliasibu u sãa wəkura tiase.  
 Ma Yakimu u sãa wəkura yiruse.  
 Ma Hupa u sãa wəkura itase.  
 Ma Yesebabu u sãa wəkura nnese.  
 Ma Biliga u sãa wəkura nɔɔbuse.  
 Ma Imeri u sãa wəkura nɔɔbu ka tiase.  
 Ma Hesiri u sãa wəkura nɔɔbu ka yiruse.  
 Ma Hapisesi u sãa wəkura nɔɔbu ka itase.  
 Ma Petahia u sãa wəkura nɔɔbu ka nnese.  
 Ma Esekieli u sãa yɛnduse.  
 Ma Yakini u sãa yɛnda tiase.  
 Ma Gamulu u sãa yɛnda yiruse.  
 Ma Delaya u sãa yɛnda itase.  
 Ma Maasia u sãa yɛnda nnese.

19 Nge mɛya ba ka bu yi yi bu ka sɔmburu ko  
 Yinni Gusunɔn sãa yerɔ. Ba ra ben sɔmburu kowa  
 nge mɛ ben sikado Aroni u bu yiire bu ko. N deema  
 Gusunɔ Isireliban Yinnin tiwa u Aroni wooda ye  
 wɛ.

### *Lefi be ba tien yĩsa*

20 Lefin bibun bweserun wirugii be ba tien yĩsa  
 wee.

Amuramun bibun bweseru sɔɔ, Subaeliwa.  
 Subaelin bibun bweseru sɔɔ, Yesidiawa.

21 Rekabian bibun bweseru sɔɔ, Yisiyawa u sãa  
 gbiikoo.

22 Yiseharin bibun bweseru sɔɔ, Selomɔtuwa.  
 Selomɔtun bibun bweseru sɔɔ maa, Yasatiwa.

23 Heboronin bibun bweseru sɔɔ, Yeriyawa u sãa  
 gbiikoo. Ma Amaria u sãa yiruse. Ma Yasieli u sãa  
 itase. Ma Yekameamu u sãa nnese.

24 Usielin bibun bweseru sɔɔ, Miseewa. Miseen  
 bibun bweseru sɔɔ, Samiriwa.



<sup>25</sup> Yisiya, Miseen mɔɔn bibun bweseru sɔɔ, Sakariwa.

<sup>26</sup> Merarin bibun bweseru sɔɔ, Makili ka Musi ka Musin bii Yasian biba.

<sup>27</sup> Yaasiya, Merarin biin bibun bweseru sɔɔ, Sohamu ka Sakuri ka Ibiriwa.

<sup>28-29</sup> Makilin bibun bweseru sɔɔ, Eleasaawa, wi u kun bibu mara. Kisin bibun bweseru sɔɔ, Yeramɛliwa.

<sup>30</sup> Musin bibun bweseru sɔɔ, Makili ka Edɛɛ ka Yerimɔtiwa.

Be ba sãa Lefin bibun bweserun keri, bera mi.

<sup>31</sup> Ben tii ba tɛtɛ tobawa nge mɛ begibu Aronin bibun bweserugibu ba kua sina boko Dafidi ka Sadɔku ka Akimɛleki ka yãku kowobun wirugibu ka Lefiban wirugibun wuswaaɔ. Ka woro tee teya ba ka ben baawuren yĩsiru tireru doke, ba ñ ben keranaa mɛɛra.

## 25

### *Wom kowobun wuunu*

<sup>1</sup> Dafidi ka tabu sinambu ba Asafun bibun bweseru ka Hemanin bibugiru ka Yedutum bibugiru gɔsa ba yi nɛnɛm sãarun sɔ. Gari yi Gusunɔ u bu sɔɔwa, yiya ba ra ka womusu ko ka mɔrɔkunu ka guunu ka sɛketirenu. Be ba sɔma ye mɔ, ben yĩsa wee.

<sup>2</sup> Asafun bibun bweseru sɔɔ, Sakuri ka Yosefu ka Netania ka Asarela. Ben tundo Asafuwa u ra n bu kpare. Gari yi Gusunɔ u nùn sɔɔwa yiya u ra n ka womu mɔ nge mɛ sina boko u nùn yiire.

<sup>3</sup> Yedutum bibun bweseru sɔɔ, Gedalia ka Seri ka Esai ka Hasabia ka Matitia ka Simɛiwa. Ben tundo Yedutumwa u ra n bu kpare. Gari yi Gusunɔ u nùn

sōwa, yiya u ra n ka womu m̀ ka m̀raku, u n ka Gusunə siaramə kpa u n ǹn bεεε wεεmə.

<sup>4</sup> Hemanin bibun bweseru sō maa, Bukia ka Matania ka Usieli ka Sebueli ka Yerimoti ka Hanania ka Hanani ka Eleata ka Gidaliti ka Romanti Esee ka Yosibekasa ka Maloti ka Hotiri ka Makasioti.

<sup>5</sup> Beni kpurowa ba sāa Hemanin bibun bweseru. Hemani wiya u ra Yinni Gusunən dam walle sue kpa u sina boko sō ye Yinni Gusunə u gerua. Hemani wi, u bii tən durəbu mara wəkura nne, bii tən kurəbu maa ita.

<sup>6</sup> Tən be kpurowa ba ra womusu ko Yinni Gusunən sāa yerə ka seketirenu ka guunu ka m̀raku kpa ben tundobu ba n bu kpare. Ba ra ben samburu kowa ka sina bokon wooda. Kpa Asafu ka Yedutum ka Hemani ba n bu gbiye.

<sup>7</sup> Be ba womusu yē ka be ba bu swī, be kpuron geera sāawa goobu ka wene ka nōba ita (288).

<sup>8</sup> Ba tete tobawa bu ka samburun kpunaa yi. Ba n nee, bukurowa gee, n kun me biiwa gee. Meya ba n maa nee, be ba womusu yēwa gee, n kun me be ba toruməwa gee.

<sup>9-31</sup> Wuuru ka wuurun wirugii be ba gosa ka tete, be wee.

Yosefu, Asafun bweseru sō, wiya u sāa gbiikoo.

Ma Gedalia u sāa yiruse.

Ma Sakuri u sāa itase.

Ma Yiseri u sāa nne.

Ma Netania u sāa nōbuse.

Ma Bukia u sāa nōba tiase.

Ma Yesarela u sāa nōba yiruse.

Ma Esai u sāa nōba itase.

Ma Matania u sāa nōba nne.

Ma Simeī u sāa wəkuruse.

Ma Asareli u sāa wəkura tiase.

Ma Hasabia u sãa wəkura yiruse.  
 Ma Subæli u sãa wəkura itase.  
 Ma Matitia u sãa wəkura nnese.  
 Ma Yeremoti u sãa wəkura nɔɔbuse.  
 Ma Hanania u sãa wəkura nɔɔbu ka tiase.  
 Ma Yosibekasa u sãa wəkura nɔɔbu ka yiruse.  
 Ma Hanani u sãa wəkura nɔɔbu ka itase.  
 Ma Maloti u sãa wəkura nɔɔbu ka nnese.  
 Ma Eliata u sãa yenduse.  
 Ma Hotiri u sãa yenda tiase.  
 Ma Gidaliti u sãa yenda yiruse.  
 Ma Makasioti u sãa yenda itase.  
 Ma Romanti Esee u sãa yenda nnese.

Wuuru baateren wirugii ka win yenugibu ba ra n sãawa wəkura yiru.

## 26

### *Be ba ra sãa yerun kənnəsu*

#### *kəsu*

<sup>1</sup> Ba be ba ra sãa yerun kənnəsu kəsu bənu kua wuu wuuka. Koren bweseru sɔɔ, Meselemia, Koren bii, Asafun debubuwa ba gɔsa.

<sup>2</sup> Bibu nɔɔba yiruwa u mara. Wee nge mɛ ba ka swĩine. Sakari ka Yedieli ka Sebadia ka Yatinieli,

<sup>3</sup> ka Elamu ka Yokanani ka sere Elionai.

<sup>4</sup> Ba maa Obedi Edəmu gɔsa. Ma Yinni Gusunə u nùn domaru kua, u bibu nɔɔba ita mara. Wee nge mɛ ba ka swĩine. Semaya ka Yosabadi ka Yoasi ka Sakaa ka Netanəeli,

<sup>5</sup> ka Amieli ka Isakari ka sere Pelitai.

<sup>6</sup> Semaya, Obedi Edəmun bii gbiikoo u bibu mara be ba kua dangibu, begibun suunu sɔɔ. Domi ba sãawa wərugəba.

<sup>7</sup> Bii bera, Otini ka Refaeli ka Obedi ka Elisabadi ka sere ben wənəbu yiru beni, Elihu ka Semaya be ba sāa wərugəba.

<sup>8</sup> Tən be kpurowa ba sāa Obedi Edəmun bibun bweseru. Be ka ben bibu ka ben dusibu ba sāawa wərugəba ma ba hania mə səmburu səə. Ba sāawa təmbu wata ka yiru.

<sup>9</sup> Meselemian bibu ka win wənəbu ba sāawa təmbu wəkura nəəbu ka ita. Be kpuro ba sāawa wərugəba.

<sup>10-11</sup> Mərarin bweseru səə, Hosawa ba gəsa. Bibu nnewa u mara. Bera Simiri ka Hilikiya ka Tebalia ka Sakari. Ma u Simuri kua ben wirugii baa mə n n wi u sāa bii gbiikoo. Hosan bibu ka win wənəbu ba sāawa təmbu wəkura ita.

<sup>12</sup> Kənnə kəsobun wuu ni, ka nin wirugibu ka ben mero bisibu, bera ba ko n da kənnəsu kəsu Yinni Gusunən sāa yerə.

<sup>13</sup> Ba kənnəsu bənu kuawa ka tətə, yenu ka yenu, bibu ka bukurobu, baawure u n ka yē mi u koo kəsu.

<sup>14</sup> Ye ba tətə toba, səə yari yeru giara Selemia u wa. Ma win bii Sakari wi u sāa bwisi kēə u maa səə yēsan nəm geu gia tətə di.

<sup>15</sup> Obedi Edəmuwa u səə yēsan nəm dwarugia tətə di. Ma win bii u maa yenusu tətə di mi ba ra dīanu bere.

<sup>16</sup> Supimu ka Hosawa ba kənnə ge ga wāa səə duu yeru gia tətə di, ka ge ba mə Saleketi, ga mēera swaaə ye ya dəə gunguru gia. Kəso be, ba mēerinəwa.

<sup>17</sup> Təə baatere Lefiba nəəba tia ba ra n wāa səə yari yeru gia, kpa təmbu nne ba n wāa səə yēsan nəm geu gia, kpa nne ba n wāa səə yēsan nəm dwarə kpa nne ba n maa wāa diaə mi ba ra dīanu bere. Adama ba

diagii be bɔnu sãawa wuunu yiru, wuu teerɔ tɔmbu yiru.

<sup>18</sup> Sɔɔ duu yeru gia, dia ye ba gɔri gɔri sɔɔ, tɔmbu yiru, swaan bera gia, maa tɔmbu yiru.

<sup>19</sup> Kɔnnɔ kɔsobun wuu ni ba kua Kore ka Merarin bwese keri sɔɔ, niya mi.

*Sɔma ye ba Lefi gabu wɛ*

<sup>20</sup> Lefiba sɔɔ, Akiyawa u ra Yinni Gusunɔn sãa yerun arumani bere ka sere maa kɛɛ ni ba ka Yinni Gusunɔ naawa.

<sup>21</sup> Gɛɛsɔnin bweseru sɔɔ, Ladanin bibun bwesera ba sãa yenu yɛrobu. Wee nge mɛ ba ka swĩine.

<sup>22</sup> Yeyeli ka win bibu Setamu ka win wɔnɔ Yoeli bera ba ra Yinni Gusunɔn sãa yerun arumani bere.

<sup>23</sup> Amuramun bweseru sɔɔ ka Yiseharin bweseru sɔɔ, ka Heboronin bweseru sɔɔ ka Usielin bweseru sɔɔ,

<sup>24</sup> Sebueli, Gɛɛsɔmun bii, Mɔwisin debubuwa u sãa arumanin berobun wirugii.

<sup>25</sup> Win bweseru sɔɔra Eliesɛɛ, Gɛɛsɔmun wɔnɔn bibun bwesera wãa. Rehabia, Eliesɛɛn bii u Esai mara. Ma Esai u Yoramumara. Ma Yoramumara u Sikirimara. Ma Sikiri u Selomitimara.

<sup>26</sup> Arumani ye sina boko Dafidi ka yenu yɛrobu ka tabu kowobu nɔrɔm nɔrɔm ka wunɔm wunɔm wirugibu ka tabu sinambu ba ka Yinni Gusunɔ naawa, yera Selomiti ka wigibu ba kɔsu.

<sup>27</sup> N deema arumani ye ba tabu di, yen sukuma ba ka Yinni Gusunɔ naawa bu ka win sãa yeru sɔmɛ.

<sup>28</sup> Arumani ye Gusunɔn sɔmɔ Samueli ka Sɔɔlu, Kisin bii ka Abineɛ, Nerin bii ka Yoabu, Seruyan bii, ba ka Yinni Gusunɔ naawa, Selomiti ka wigii bera ba maa ye kpuro berua.

<sup>29</sup> Kenania ka win bibu be ba wãa Yiseharin bweseru sɔɔ, bera ba ra tɔmbun wunanɔsu ka siribu ko Isirelin temɔ.

<sup>30</sup> Hasabia ka tɔmbu nɔrɔbu ka nata ka wunɔbu (1.700) gabu be ba sãa wɔrugɔba Yiseharin bweseru sɔɔ, bera ba Isireliban tem kpare mɛ mu wãa Yuudenin sɔɔ duu yeru gia. Bera ba ra maa Yinni Gusunɔn sãa yerun sɔmburu ko ka maa sina bokogiru.

<sup>31</sup> Yeriya wa u sãa wirugii Heboronin bweseru sɔɔ. Dafidin bandun wɔɔ weeruse sɔɔra ba bwese ten tɔkan kaso kua. Ma ba wɔrugɔba wa be sɔɔ Yasɛɛɔ Galadin temɔ.

<sup>32</sup> Yerian mɛro bisi be, ba sãawa wɔrugɔba. Be kpuro maa yenu yɛroba. Ben geera sãawa nɔrɔbun suba yiru ka tɔmbu nata ka wunɔbu (2.700). Bera ba Yinni Gusunɔn sãa yerun sɔmburu ka maa sina bokogiru nɔmu beria bera mi Rubɛniba ka Gadigibu ka Manasen bwese keran sukumgiba wãa sɔɔ yari yeru gia.

## 27

### *Tabu kowobun sɔma*

<sup>1</sup> Wee Isireli be ba sina bokon sɔmburu mɔ. Ba sãawa yenu yɛrobu ka tabu kowobu nɔrɔm nɔrɔm ka wunɔm wunɔm wirugibu. Bera ba ra tabu kowobun wuunu kpare be ba ra n sɔmburu naamɔ suru ka suru, wɔɔ sɔɔ. Wuuru baatere ta sãawa tɔmbu nɔrɔbun suba yɛnda nne (24.000).

<sup>2-15</sup> Wuu nin baatere ta ten wirugii mɔ. Suru gbiikoo sɔɔ, Yasobeamu, Sabudielin bii, Perɛsin bweseru sɔɔ, wiya u wuu gbiikii ten tabu sinambu kpara.

Suru yiruse sɔɔ, Dodai, Akosigiiwa u wuuru yiruse kpara. Ma Mikoloti u sãa win yiruse.

Suru itase sɔɔ, Benaya, yãku kowo Yehoyadan biiwa u wuuru itase kpara. U sãawa tabu durɔ wɔrugɔba tenan turo. Wiya u maa sãa ben wirugii. Win bii Amisabadiwa u nùn kɔsire kua u wuu te kpara.

Suru nnese sɔɔ, Asaeli, Yoabun mɔɔwa u wuuru nnese kpara. Yen biruwa win bii Sebadia u nùn kɔsire kua.

Suru nɔɔbuse sɔɔ, Samɛhutu Yisiragiiwa u wuuru nɔɔbuse kpara.

Suru nɔɔba tiase sɔɔ, Yira, Ikɛsin bii, Tekoagiiwa u wuuru nɔɔba tiase kpara.

Suru nɔɔba yiruse sɔɔ, Helɛsi Palonigii, Efaraimun bwese kɛra sɔɔ, wiya u wuuru nɔɔba yiruse kpara.

Suru nɔɔba itase sɔɔ, Sibekai Husagii, Serakin bwese kɛra sɔɔ, wiya u wuuru nɔɔba itase kpara.

Suru nɔɔba nnese sɔɔ, Abiesɛɛ Anatɔtugii, Benyamɛɛn bwese kɛra sɔɔ, wiya u wuuru nɔɔba nnese kpara.

Suru wɔkuruse sɔɔ, Marai Nɛtofagii, Serakin bwese kɛra sɔɔ, wiya u wuuru wɔkuruse kpara.

Suru wɔkura tiase sɔɔ, Benaya Piratonigii, Efaraimun bwese kɛra sɔɔ, wiya u wuuru wɔkura tiase kpara.

Suru wɔkura yiruse sɔɔ, Helidai Nɛtofagii, Otiniɛlin bwese kɛra sɔɔ, wiya u wuuru wɔkura yiruse kpara.

### *Bwese kɛrin wirugibu*

<sup>16</sup> Wee be ba sãa Isireliban bwese kɛrin wirugibu.

Rubenin bwese kɛra sɔɔ, Eliesɛɛ, Sikirin biiwa u sãa wirugii.

Simεαn bwese kεra sɔɔ, Sefatia, Maakan biiwa u sãa wirugii.

17 Lefin bwese kεra sɔɔ, Hasabia, Kemuelin biiwa u sãa wirugii.

Aronin bibun bweseru sɔɔ, Sadɔkuwa u sãa wirugii.

18 Yudan bwese kεra sɔɔ, Elihu, Dafidin mεro bisibu sɔɔ, wiya u sãa wirugii.

Isakaran bwese kεra sɔɔ, Omiri, Mikaelin biiwa u sãa wirugii.

19 Sabulonin bwese kεra sɔɔ, Yisimaya, Abudiasin biiwa u sãa wirugii.

Nεfitalin bwese kεra sɔɔ, Yerimɔti, Asirielin biiwa u sãa wirugii.

20 Efaraimun bibun bweseru sɔɔ, Hosee, Asasian biiwa u sãa wirugii.

Manasen bwese keran sukumgibu sɔɔ, be ba wãa sɔɔ duu yeru gia, Yoeli, Pedayan biiwa u sãa wirugii.

21 Manasen bwese keran sukumgibu sɔɔ, be ba maa wãa sɔɔ yari yeru gia, Galadin temɔ, Ido, Sakarin biiwa u sãa wirugii.

Benyamεεn bwese kεra sɔɔ, Yaasieli, Abunεεn biiwa u sãa wirugii.

22 Danun bwese kεra sɔɔ, Asareli, Yerohamun biiwa u sãa wirugii.

Tɔn beni kpurowa ba sãa Isireliban bwese kerin wirugibu.

23 Dafidi u n̄ Isireliba gara be ba wɔɔ yendu mɔ ka be ba n̄ tura mε, yèn sɔ Yinni Gusunɔ u nɔɔ mwεεru kua ma u koo Isireliba dabiasia nge wɔllun kperi.

24 Yoabu, Seruyan biiwa u raa Isireliba garibu torua, ma ya Yinni Gusunɔ mɔru kua. Yen sɔna u



̀̀n ye kurasie. Adama ba ̀̀n t̀̀n be ba gara min geeru yorua sina boko Dafidin w̄́arun faagin tireru s̄́o.

*Dafidin s̄́m kowobu gabu*

<sup>25</sup> Asimafeti, Abudielin biiwa u ra sina bokon arumani bere.

Yonatam, Osiasin biiwa u ra maa gbean d̄́ianu bere, wuu marosuginu ka baru kpaanuginu, ka sere k̄́su yenuginu.

<sup>26</sup> Esiri, Kelubun bii wiya u s̄́a be ba gbean s̄́ma m̀̀n wirugii.

<sup>27</sup> Simēi, Ramagii, wiya u s̄́a resem gbaa s̄́m kowobun wirugii.

Sabidi Sefamugii, wiya u s̄́a mi ba ra tam bere kpuron wirugii.

<sup>28</sup> Baali Hanani, Gedεεgii, wiya u ra d̄́a ye ba m̀̀ olifi ka sikam̄́re ye ya w̄́a w̄́wa ye ba m̀̀ Sefalān wunan̄su ko.

Yoasi, wiya u maa s̄́a gum beru yenun wirugii.

<sup>29</sup> Sitarai Saronigii, wiya u ra ket̄́e yi ba kparam̄ Saronīn wunan̄su ko.

Safati, Adilain bii, wiya u ra maa ket̄́e yi ba kparam̄ w̄́wi s̄́on wunan̄su ko.

<sup>30</sup> Obili, Isimēeli, wiya u ra yooyoo si ba m̀̀n wunan̄su ko.

Yesidia Meron̄tugii, wiya u ra maa ket̄́eku ninu ni ba m̀̀n wunan̄su ko.

<sup>31</sup> Yasisi Hagarenigii, wiya u ra ȳ́a ni ba m̀̀n wunan̄su ko.

Beni kpurowa ba sina boko Dafidin arumanin wunan̄su m̀̀.

*Sina bokon gerunasibu*

<sup>32</sup> Yonatam, Dafidin dusiwa u s̄́a win bwisi k̄́o. Yonatam wi, u bwisi ka ȳ́eru m̄́ too. Yehieli,

Hakumənin bii wiya u s̄a sina bokon bibun keu koosio.

<sup>33</sup> Ahitofeli u maa s̄awa sina bokon bwisi k̄ə. Usai Aakigii, wiya u s̄a sina bokon b̄ə kpaasi.

<sup>34</sup> Ahitofelin biru, Yehoyada, Benayan bii ka Abiataa, beya ba maa kua win bwisi k̄əbu. Ma Yoabu u s̄a win tabu sunə.

## 28

### *Dafidi u Saloməə yiire*

#### *u Yinni Gusunən s̄a yeru bani*

<sup>1</sup> Dafidi u Isireliban guro gurobu kpuro menna Yerusalemə ka ben bwese kerin wirugibu ka tabu kowo wuunun wirugibu ka tabu sinam be ba tabu kowobu nərəm nərəm ka wunəm wunəm kpare ka be ba sina bokon arumani ka win sabenun wunanəsu mən wirugibu, ka win bibun keu koosiobu ka win sina kpaarun səm kowobu ka win tabu durə wərugəba ka ben dangibu kpuro gesi.

<sup>2</sup> Yera sina boko Dafidi u seewa u ȳra u n̄ε, b̄ε n̄n m̄ero bisibu, b̄ε n̄n t̄ambu kpuro, i man swaa dakio i n̄. Wee na raa ḡru doke n Gusunə b̄ε Yinni diru bania mi ba koo win woodan kpakororu yi te ta s̄a win naa s̄onditiru, ma na s̄əru s̄a n ka tu bani.

<sup>3</sup> Adama u man s̄əwa u n̄ε, n n̄ n̄ε kon tu bani. Domi na s̄awa t̄nu wi u tabu kua ma u ȳm yari.

<sup>4</sup> Wi, Gusunə b̄ε Isireliban Yinni u man ḡsa n̄n tundon ȳnun di n ka ko b̄ε Isireliban sunə sere ka baadommaə. Yellun di, Yudan bwesera u kua wirugii. Yudan bwese te s̄ə, ma u n̄n tundon

yenu gɔsa. Nen tundon yenu ge sɔɔ, ma u man gɔsa n ka bandu di bɛɛ Isireliba sɔɔ.

<sup>5</sup> Yinni Gusunɔ u man bii dabiru kã. Be sɔɔra u Salomɔɔ gɔsa u swĩi bɛɛ Isireliban sina gɔna sɔɔ, ye ya sãa wi, Yinni Gusunɔgia.

<sup>6</sup> U man sɔɔwa u nɛɛ, nen bii Salomɔɔwa u koo nùn diru bania ka ten yaari mi ba ko n da nùn sã. Domi wiya u gɔsa u n ka sãa nge win bii kpa wi, Yinni Gusunɔ u n maa sãa nge win tundo.

<sup>7</sup> U koo win bandun dam sire sere ka baadomɔɔ ù n win woodaba ka win yiirebu mɛm nɔɔwamme nge mɛ u mɔ̀ gisɔ.

<sup>8</sup> Tɛ, nɛgibu, na bɛɛ yiiremɔ Isireliba, Gusunɔn tɔmbun wuswaaɔ ka Gusunɔ bɛɛɛn Yinnin tii wi u sun swaa dakin wuswaaɔ, i de i win wooda mɛm nɔɔwa, i ye nɛnɛ bɛɛn gɔrusɔ kpa i wa i n tem mɛ mɔ, kpa i maa bɛɛn bibu mu deria bu tubi di sere ka baadomɔɔ.

<sup>9</sup> Ma u maa nɛɛ, wunɛ maa Salomɔɔ nen bii, a Gusunɔ, nɛ wunen tundon Yinni gio kpa a nùn sã ka wunen gɔru kpuro ka wunen bwɛra kpuro. Domi wiya u ra tɔmbun gɔrusu ka ben bwisikunu wɛɛri. À n nùn kasu, u koo de a nùn wa. Adama à n nùn deri, u koo maa nun deriwa sere ka baadomɔɔ.

<sup>10</sup> Tɛ, a n yɛ ma Yinni Gusunɔ u nun gɔsawa a ka nùn diru bania mi ba ko n da nùn sã. Yen sɔ a de a n wɔrugɔru mɔ kpa a se a sɔmburu ko.

### *Dafidi u Salomɔɔ*

#### *sãa yee ten kpunaa wɛ*

<sup>11</sup> Yen biru Dafidi u win bii Salomɔɔ sãa yee ten kpunaa wɛ ka ten dia ye ba gɔri gɔrigia, ka ten arumani beru yerugia, ka dii wɔrukinugia, ka dii

sɔɔkinugia, ka dii tèn mi ba koo Yinni Gusunɔn woodan kpakororu yigia.

<sup>12</sup> Dii ten kpunaa kpurowa u nùn wě ye u raa himba sãa u ko kpuro. Yera sãa yerun yaarin kpunaa ka dia ye ya ka yi sikerenɛgia ka dia yèn mi ba ko n da sãa yee ten arumani beregia, ka yèn mi ba ko n da kěnu beregia ni ba Gusunɔ wě,

<sup>13</sup> ka nge mɛ ba yãku kowobu ka Lefiba bɔnu kua wuu wuukagia, ka nge mɛ ba ko n da ben sɔmburu koosinɛ Yinni Gusunɔn sãa yerɔgia, ka sere maa dendi yãa ni ba ko n da ka sɔmburu kogia.

<sup>14</sup> U nùn wura sɔɔsi ye u koo ka dendi yãa wuraginu ko, nge mɛ nin baaniren bunum nɛ. Ma u nùn sii geesu sɔɔsi si u koo ka dendi yãa sii geesuginu ko, nge mɛ nin baaniren bunum nɛ. Ba koo dendi yãa ni kowa nin baanire ka nin sɔmburu.

<sup>15</sup> Meya u maa bu wura ka sii geesun bunum saka wě ye ba koo ka dabu wuraginu ka sii geesuginu ko, ni kpuro ka nin fitilaba.

<sup>16</sup> U maa nùn wura wě mèn saka ba koo ka tabulu wuragii ko mi ba ko n da Yinni Gusunɔ pɛɛ yiiye, ma u maa nùn sii geesu wě u ka tabulu gɛɛ ko.

<sup>17</sup> Yen biru u maa nùn sɔɔsi nge mɛ ba koo kaato donnuginu koosina ka gbɛa ka nɔri yi ba kua ka wura gea ka sii geesugii, ka yin baayeren bunum,

<sup>18</sup> ka yãku yee wuragiru mi ba ko n da turare dɔɔ doke ka ten bunum. U maa nùn sɔɔsi nge mɛ ba koo naa keke ka wɔllun kɔsobun weenasibu koosina ka wura. Yin kasi yi ko n deriewa yi n Yinni Gusunɔn woodan kpakororu wukiri.

<sup>19</sup> Ma Dafidi u nɛɛ, Yinni Gusunɔn tiywa u yeniba kpuron kpunaa yorua u man wě. Ma u man yen bwisi wě n ka ye tubu.

20 Yen biru, Dafidi u win bii Salomᵋᵋ sᵋᵋwa u nεε, a tii dam kᵋᵋ, kpa a n wᵋrugᵋru mᵋ, kpa a se a sᵋmburu ko. A ku bᵋrum ko, a ku maa nanda. Domi Gusunᵋ nᵋn Yinni u ko n ka nun wᵋa. U ᵋn nun derimᵋ, u ᵋn maa nun biru kisimᵋ sere win sᵋa yee ten sᵋmburu kpuro tu ka wiru goora.

21 Yᵋku kowobu ka Lefiba wee ba bᵋnu sᵋa wuu wuuka bu ka Yinni Gusunᵋn sᵋarun sᵋma ko. N n sᵋa yee ten banan sᵋn na, tᵋmbu wee be ba sᵋm bwese bwesekan kobu yᵋ ba maa tii wᵋ ka kᵋru. Be ka wirugibu ka Isireliba kpuro ba koo nun wiru kpᵋiya.

## 29

### *Kᵋε ni ba wᵋ*

#### *sᵋa yee ten banan sᵋ*

1 Sina boko Dafidi u tᵋn be ba mᵋnne mi kpuro sᵋᵋwa u nεε, nᵋn bii Salomᵋᵋ wi Yinni Gusunᵋ u gᵋsa, u sᵋawa bii piibu. U ᵋn gina tᵋmbun kparabun bwisi mᵋ. Sᵋmbu te u koo maa ko ta kpᵋ, domi sᵋa yee te, ta ᵋn ko n sᵋa tᵋnugiru. Ta ko n sᵋawa Yinni Gusunᵋgiru.

2 Na nᵋn dam kpuro doke n ka Gusunᵋ nᵋn Yinni sᵋa yee ten banan sᵋaru ko. Dendi yᵋa ni ba koo ko ka wura, na nin wura yii. Ni ba koo maa ko ka sii geesu, na nin sii geesu yii. Ni ba koo maa ko ka sii gandu, na nin sii gandu yii. Ni ba koo maa ka sii wᵋkusu ko, na nin sii wᵋkusu yii. Ni ba koo maa ko ka dᵋa, na nin dᵋa yii. Ni ba koo maa ko ka kpee gobigii nᵋni bwese bwesekaginu, na nin kpee gobiginu yii. Ma maa kpee kpiki buranu yii nu kpᵋ.

<sup>3</sup> Gusunə nən Yinnin sãa yee ten kĩrun sō, wura ye na mə ka sii gee si na mə, ye kpurowa na wē sãa yee ten sō ye na raa sǝru kua yellu baasi.

<sup>4</sup> Yera wura ye ya na Ofirin di tǝnnu wunǝbu (100), ka sii geesu tǝnnu goobu ka weeru (240) bu ka sãa yee ten gani pote,

<sup>5</sup> ka sere maa dendi yãa ni ba koo ka wura ko ka ni ba koo ka sii geesu ko, dendi yãa ni sǝm kowo be, ba koo gesi ko kpuro. Tē, bεε sǝǝ, wara kī u Yinni Gusunə kēru wē ka nuku tia, kpa sǝm kowobu bu ka ye gãa wuraginu ka sii geesuginu seku.

<sup>6</sup> Yera yenu yērobu ka Isireliban bwese kerin wirugibu ka tabu kowobu nǝrǝm nǝrǝm ka wunǝm wunǝm wirugibu ka sina bokon sǝm kowobun wirugibu ba kēnu wē ka nuku tia.

<sup>7</sup> Ye ba wē Yinni Gusunən sãa yee ten sō, yera wuran tǝnnu wunaa wata ka wǝkuru ka wuran gobi nǝrǝbun suba wǝkuru (10.000) ka sii geesun tǝnnu gooba wunǝbu (300) ka sii gandun tǝnnu nata (600) ka sii wǝkusun tǝnnu nǝrǝbun suba ita (3.000).

<sup>8</sup> Be ba kpee gobiginu mə, ba nu Yeyeli, Geesǝnin bweserugii wē u doke Yinni Gusunən sãa yerun arumanin beru yerǝ.

<sup>9</sup> Tǝn be kpuro ba nuku dobu kua kēε ni ba Yinni Gusunə wēn sō, domi ba nu wēwa ka nuku tia. Ma sina boko Dafidin tii u nuku doo bakabu kua.

### *Dafidin kanaru*

<sup>10</sup> Dafidi u Yinni Gusunə siara tǝn be ba mēnε mi kpuron wuswaaǝ. U nεε, i Gusunə besen sikado Yakǝbun Yinni siaro sere ka baadommaa.

<sup>11</sup> Yinni Gusunə, wuna a kpã, a dam mə, a maa yiiko mə. A ñ nǝru mə. Domi wuna a mə kpuro ye

ya wāa wəllə ka ye ya wāa temə. Wuna a bandu dii, wuna a kpuro kere.

<sup>12</sup> Wunen min diya dukia ka beere ya ra ne. Wuna a bandu dii kpuron wəllə. Wunen nəmuəra dam kpuro mu wāa. Wuna kaa kpī a gāanu kpuro wəlle sua kpa a nu tāsisia.

<sup>13</sup> Tē, Gusunə bešen Yinni, sa nun siaramə, sa maa wunen yīsirun kpāaru beere wēemə.

<sup>14</sup> Ne ka nen tambu sa n gāanu tura su ka nun kēnu wē. Gāanu kpuro naaməwa wunen min di. Ye sa maa nun wēemə kpuro, wunen min diya sa ye waamə.

<sup>15</sup> Sa bešen wāaru diməwa wunen wuswaaə nge sɔbu nge me bešen sikadoba ba kua. Bešen wāaru tōru kpuro koo doonawa nge saaru, yīiyəbu sari.

<sup>16</sup> Gusunə bešen Yinni, wuna a kpuro mə. Wunen min diya arumani yeni kpuro ya wee ye sa səru kua su ka nun diru bania te ta ko n wunen yīsi dēeraru səwa.

<sup>17</sup> Gusunə nen Yinni, na yē ma wuna a ra tənun gōru wēeri, a ra maa gem kā. Wee na ka nun kēe nini naawa ka gōru dēerə. Na maa wa wunen tən be ba wāa mini, ba nun kēnu wēemə ka nuku dobu.

<sup>18</sup> Gusunə, bešen sikadoba Aburhamu ka Isaki ka Yakəbun Yinni, a de wunen təmbun gōrusu ka ben bwisikunu nu n sāa meni baadomma, kpa ben gōrusu su n tāsa wunə səə.

<sup>19</sup> Kpa a de nen bii Saloməən gōru ga n sə, u ka wunen yīirebu ka wunen sōsinu ka wunen woodaba mem nəwa, u ka ye kpuro səmburu ko, kpa u sāa yee te bani tən sə na səru yeni kpuro kua.

<sup>20</sup> Dafidi u maa tən be ba menne mi kpuro səwa u nee, i Gusunə bešen Yinni siaro.

Ma be kpuro ba Gusunə ben sikadoban Yinni siara, ba yiira win wuswaaə ka maa sina bokon wuswaaə.

### *Ba Saloməə kua sina boko*

<sup>21</sup> Yen sisiru, ba Yinni Gusunə siarabun yāku nu ka yāku dōə mwaararuginu kua ka kete nərəbu (1.000) ka yāa kinenu nərəbu (1.000) ka yāa kpemminu nərəbu (1.000), yāku nin baatere ka ten tam. Ma ba maa yāku dabinu ganu kua Isireliba kpuron sō.

<sup>22</sup> Yen tōə te, ba di ba nərə Yinni Gusunən wuswaaə ka nuku doo bakabu. Ma ba maa Saloməə Dafidin biin bandu dam sire ba nùn gum tāre wirə nən yiruse Yinni Gusunən wuswaaə, u ka ko kparo. Yen biru, ba maa Sadəku gum tāre wirə ba nùn kua yāku kowo.

<sup>23</sup> Saloməə u sina Isireliban sina gənaə ye ya maa sāa Yinni Gusunəgia. U kua sunə win tundo Dafidin ayerə. U kuura, ma Isireliba kpuro ba nùn wiru kpīiya.

<sup>24</sup> Wirugibu ka tabu kowo damgibu ka mam sina boko Dafidin bii be ba tie kpuro, ba nùn wiru kpīiyawa.

<sup>25</sup> Yinni Gusunə u Saloməə wəlle sua Isireliba kpuron suunu səə. Ma u win bandu girima doke n kere sinam be ba nùn gbiiye Isirelio.

### *Dafidin gəə*

<sup>26</sup> Dafidi Isain bii u bandu di Isireliba kpuro səə.

<sup>27</sup> U bandu diwa wōə weeru Isireliba səə. Heboroniə wōə nəəba yiru, Yerusalemuə maa wōə tena ka ita.



<sup>28</sup> Dafidi u dukia ka girima wa. U təkə kuawa kǎǎ kǎǎ. Ma u gu bəri yendu sǎǎ. Ma win bii Salomǎǎ u bandu kǎsire kua.

<sup>29</sup> Ye sina boko Dafidi u gbia u kua, ka ye u kua dǎku te, ye kpuron gari yi yorua yam wao Samuelin tireru sǎǎ ka Gusunǎn sǎmǎ Natanin tireru sǎǎ, ka sere maa yam wao Gadin tireru sǎǎ.

<sup>30</sup> Tire ni sǎǎra ba maa win bandun gari yorua ka win wǎrugǎru, ka ye n koorǎ Isireliban temǎ ka tem tukumǎ win waati ye sǎǎ.

## **Luda yá takada kú Bisá yáo** **Portions of the Holy Bible in the Busa language of** **Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3